





EPB 7445/A

Jules MARTIN, Libraire, Sr d'Aubry
48, Rue Séguier, Paris

transport, etc. Paris, Firmin-Didot, 1888, 1 vol. de texte et 5 vol. de planches en couleurs. Ens. 6 vol. in-fol. d.-rel. maroquin Lavallière, tête dorée, n. rog. 500 n

Très bel exemplaire entièrement monté sur onglets et dont la reliure serve coûté 500 francs.





PHYSIONOMIE

NATVRELLE,



Extraite de plusieurs Philosophes anciens. Et mise en François par M. Antoine du Moulin Masconnois.



PAR IEAN DE TOVRNES.

M. D. XXXXX.

Auec Privilege du Roy pour dix ans.

Extrait du Privilege.

Il est dessendu à tous Imprimeurs, Libraires & Marchands de non imprimer, ou faire imprimer, ny exposer en uente ce present liure intitulé, Physionomie naturelle, extraite de plusieurs Philosophes anciens, & mise en François par Antoine du Moulin Masconois, iusques à dix ans, commençant du iour & date qu'il sera acheuse d'imprimer, sinon par le congé & permission de Iean de Tournes marchand libraire, imprimeur de Lyon, & ce, sur peine de consiscation des liures qui se trouveront imprimez, & d'amende arbitraire: ainsi que le tout est plus amplement contenu au Privilege sur ce ottroyé, & donné à Saint Germain en Laye le v 1. iour de Decembre l'An de grace M. D. X L V I I I.

Par le Roy. Le Seigneur de Paßy maistre des Requestes de l'hostel present.

> Signé Demoulins, Seellé du grand Seau en cire iaune.



A tresdocte & tresver-

VEVX MONSIEVR M. Maurice Sceue, Antoine du Moulin S.



OVVENTEFOIS IF me suis resiouy en la plaisance de la varieté de Nature:non pensant toutefois plus oultre, si-

non quen sa diuersité elle se rendoit plus plaisante & admirable, comme toute varieté delecte lhomme : & que estant tout cest Vniuers creé pour iceluy, luy auoit esté preparé ce logis par le Createur au soulagement de tant de miseres, quil auoit à soustenir au passage de ceste vie transitoire à la perpe-

tuel

tuelle, & comme provision à tant grandes necessitez & calamitez siennes en si penible voyage, sans que onq ie me fusse prins garde (& combien que ie ne lignorasse point) que Dieu & Nature ne operent rien en vain, mais font tout pour la gloire de luy, Omnipotent, & vtilité de sa Creature. Depuis quelques annees passees ie me rencontray en la compaignie de plusieurs hommes doctes, tant estrangers, que François, souuerainement amateurs de la sacree Antiquité, lesquelz vous interroguerent sur lexposition de deux reuers de medailles : lune (si bien men souuient) de Vespasian, ou estoit insculpé vne Dame embrassant vn Palmier, & tout autour escrit seulement, IVDAEA CAPTA. & lautre d'Adrian, ou estoit aussi vne Dame assise, sappu

tre

ce

sappuyant du coude droit sur vn vase couché versant eau, & au dessus diceluy vn petit Oyseau: & en sa main senestre tenoit ladite Dame vne Sphere, & tout autour escrit Alryptoz, en lettres Grecques. Lesquelles medailles, à vous les voir contempler, vous plaisoient grandement, pour estre restees si entieres de liniure dun si long temps. Et entre plusieurs autres doctes propos, iouis (& que ie ne laissay perdre, comme vne response de l'Oracle Delphique) que quelques vns de la trouppe, ou fust pour en sentir vostre opinion, ou pour en estre instruits, vous interroguerent:pourquoy les Romains nauoient mieux, ou autrement designé ces deux Prouinces Iudee & Egypte. Ausquelz vous respodites aussi promptement, que proprement, que, quant à la Iud la Iudee, elle ne pouuoit mieux estre designee, terre de promission, cestadire de fertilité, que par le Palmier. Joint mesmement que la Palestine en est plus abondante, que nulle autre region voifine, ainsi que des Romains elle estoit epithetement appellee Palmifere, comme aussi elle estoit dite de tous Gentilz Sainte, pour la reuerence du Temple,& de la Religion,ainsi que lhistoire dudit Vespasian fait apparoir par Iosephe, & ailleurs, quand il voulut que fon Image fust mise & consacree audit Temple: non pour autre occasion, que pour la grande veneration, ou la religion des Sacerdots Iuifz, & dudit Tem ple estoit pour lors enuers tous Idolatres, comme aussi deüement ledit Empereur Romain Alexandre en feit miraculeux exemple, nayant iamais voulu ap

lu approcher Hierusalem. Ceste response resolue auec plus longs discours doctement debattuz dun costé & dautre, vous explicates, pourquoy Egypte estoit representee auec vne Sphere:Sur quoy vous respondites auec esbahissement de toute lassemblee, que l'Egypte, & des Grecs, & des Romains estoit appellee mere des arts (ie laisse les autres particularitez, comme de l'Oyseau, qui signifioit le Dieu Anubis : & le vase versant, le Nil, sur la sertilité duquel toute l'Egypte se repose). Et pour confirmer vostre dire, & ensemble confuter lopinion daucuns presens soustenans toutes sciences estre venues des Grecs, vous remonstrates, & trespertinemment, que les Grecs nauoient eu non seulement les arts, dont ilz ont esté premiers illustrateurs: mais leur

propre langue estoit deriuee dailleurs, que d'eux mesmes. Car indubitablement elle leur fut enseignee par les François, qui lors estans appellez Gaulois descendirent en la Gallogrece, ainsi que bien suffisamment maistre Iean le Maire de Belges ha prouué en ses Illustrations de Gaule. Mais non seulement les Philosophes Grecs antiques, ains encor & les premiers Arabes passerent tous en Egypte, pour apprendre d'eux les secretz de la Caballe, que les Iuifz estans captifz en Egypte fouz Pharaon, & autres, apprindrent aux Egyptiens. Laquelle Caballe (qui vault autant à dire, que reuelation)nostre Seigneur Dieu leur auoit reuelee de generation en generation par les Patriarches depuis Adam iusques à Noë, en laquelle tous les secretz de Natu Nature estoiet comprins. Et que Dieu nauoit permis de viure à chacun d'eux si grand aage, comme de huit à neuf cens ans, finon pour voir lexperience de leur reuelation, & ensemble par icelle contempler, esprouuer, & voir la reuolution des Cieux. Et de ce Hippocras & Galien mesme, qui estoit moderne, se glorifient dauoir fait: qui me fera icy taire les autres Auteurs, qui en ont pleinemét mentionné, pour venir sur la fin de si plaisante confabulation, qui fut, que vous vinstes tous sur la signification de la grand diuersité, que les hommes mesmes ont entre eux, tant en lineaments de leur personne quen certains petis traits, qui croifsent, & seffacent aussi auec le temps, tant sur la face, que aux mains. Qui estoit bien pour monstrer, que puis

a 5 que

que deux hommes, voire freres vterins, ne se pouuoient ressembler vniment, ne de voix, ne descriture, ne dallure, que tout ainsi nul homme (tant eust la main docte & asseurce) ne sauroit faire deux poincts, pour soudain quilz fussent faits, qui eussent vne mesme grosseur & equalité. Et par là apparoissoit clerement, que tous telz secretz de Nature nauoient esté descouuerts à lhomme, sinon pour instruction de la conduite de sa vie, ainsi que ha voulu dire ce bon homme Iob, disant, que tout le cours de nostre vie nous auoit esté escrit par les characteres de Dieu chacun en sa main. Sur laquelle plaisante, comme docte response faite par vous auec plus longue digression que ie ne saurois à present reciter, ie me prins à voir plus profondem

dement plusieurs Auteurs receuz & dignes de foy, non tant pour my amuser, que pour y employer plus louablement mes heures de loisir. Et de lun à lautre me plurent entre les Latins Petrus Aponensis, Albert le Grand, maistre Michel Lescot, Bartholomeus Cocles, & Ioannes de Indagine depuis ce mesme temps traduit par moy. Qui à la fin mha tiré à la traduction de cestuy. Auquel iay trouué vne si plaisante & vraysemblable erudition (pour non contreuenir à ceux, qui fidelement lasseurent) que ie nay crains vous facher à vous en dedier ce mien second fruit, qui en est sorti : masseurant tousiours que vous prédrez en bonne part tout mien petit labeur pour lamitié, quil vous ha pleu me monstrer, comme aussi pour partie de la satisfaction

que voz elegans discours firent lors, que ie prins loccasion de macheminer à ceste, comme à toute autre vertu, qui vous est autant singuliere, comme ie la me desirerois familiere, & daussi bon cœur, que ie vous presente mes affe-

Atueuses recommandations. Et à Dieu. De Mascon, ce v111. de Septembre, mille cinq cens quarante-neus.



PHYSIONOMIE

NATVRELLE,

Extraite de plusieurs Philosophes anciens.





YANT entre mes mains les liures de trois Auteurs, lesquelz ont escrit de la Physionomie ou congnoissance que on ha de la nature

dunchacun à le voir : cestasauoir de Loxus Medecin, Aristote Philosophe & Polemon Declamateur: iay eslu & choisi les choses plus faciles appartenantes proprement & principalement à linstitution & intellig

intelligence dicelle science. Et certes, quand linterpretation ou translation me semblera estre difficile & obscure, ie mettray icy les mots & dictions Crecques. Il est dong necessaire premierement, de proposer & declarer quelle chose cest que la Physionomie nous promet. Parainsi donques Loxus dit, que par la qualité du corps, il congnoit la qualité & disposition du cœur & courage de lhomme, par ce que le sang est le domicile & habitation de lesprit & courage. Et certes, tout corps, & ausises parties, donnent signe ou demonstrent la viuacité ou paresse selon que le sang est vif ou lasche: ou selon quil est delié ou espais, & son cours droit: ou bien si ledit cours du sang & mouuement est tortu & estroit, cela denote choses contraires & diuerses. Mais Aristote & Polemon estiment & cuident l'ame par compassion tellement representer & donner à cong

à congnoitre le corps, comme l'ame prend & emprunte vne espece ou forme de la qualité & disposition du corps. Tout ainsi que la chose humide mise en vn vaisseau se change, außi fait lesprit ou souffle escoule ou espandu dens vne fleutte ou tuyau, ou trompette. Car combien que lesprit & souffle soit egal & vniforme, neantmoins vne fleutte sonne autrement que la trompette. Donques la premiere division & separation de ceste observation est, que lun soit masculin,& lautre femenin. Laquelle chose ne nous convient prendre de telle sorte, que naturellement les genres & sexes sont divisez, mais faut quil aduienne souuent, que nous trouuions en la femme le genre masculin,& au masle le femenin. Finablement ce que nous Romains nommons masculin, les Physionomes lappellent majle & femelle. Il nous faut donques premierement proposer

ltį

poser & ordonner lesprit masculin, & puis le femenin: puis le corps dunchacun diceux, O specifier les indices : lesquelz silz ne peuuent estre tous manifestez, neantmoins nous declarerons ceux qui peuuent ouurir le chemin pour auoir la congnoissance & esgard de ce que auons deliberé sauoir par la Physionomie. Or tout ainsi quen lestude des lettres les Crecs nont que vingtquatre chara-Heres ou lettres, par lesquelles toute voix & parole est denotee & entendue, semblablement ayant declaré & denoté les principes de la Physionomie, par ce moyen nous aurons facile intelligence & moyen de regarder & iuger de ceste science. Et certes, combien quen nostre ieunesse nous ayons apprins toutes les syllabes, neantmoins ayans assemblé & retenu la vertu & signification dicelles syllabes, selon que la parole viendra, incontinent nous auons souvenance & prenoyance

uis

le-

pes

Mª

p-

10%

noyance de lordre des lettres par lesquelles est dite & proferee celle parole & oraison. Lesprit masculin & viril, est vehement & fort grand, prompt à assault & impetuosité,nayant point de souuenance de hayne, & maluueillance, liberal, sans fraude: lequel ne peult fuyr par art, ny par engin tromper: ains est songneux & desireux de vaincre par vertu: außi il est courageux. Lesprit femenin est cault, fin, ingenieux, enclin à courroux & despit de se venger, perseuerant en hayne, sans pitie, enuieux, ne pouuant endurer ny soustenir le trauail, labeur ou peine: apprenant aisement, cauteleux, facheux, soudain, hastif, & craintif. Venons aux indices & demonstrations du corps masculin & viril. Il halateste grande, les cheueux espais & gros, rougeatres, on noirs souz la rougeur, fermes & vn peu tournez & pliez. Il ha la couleur rougeatre, non point

point de rougeur clere : noir, lequel est entremeslé de rougeur. Ses yeux sont vn peu profonds, menaçans, noiratres (lesquelz les Crecs appellent pers) ou de couleur verde, ayant vn peu de blanc meslé, ou de couleur dazur & deaue. Le col doit estre de grosseur moderee, quelque peu long. Le sommet de la teste esleué. Les espaules fort grandes. Außi lesdites espaules & les parties superieures du corps iusques au nombril fort estendues & larges: mais les inferieures parties fort petites & diminuees ou retirees: la grosseur defaillant petit à petit. Il est fort & puissant ayant les os grans. Les noudz & artois depuis les mains, iusques aux piedz fermes, toutefois nestans pas roides & durs, mais parfaits: & separez ou divisez pres le bas. La poitrine esleuee, & large. Le gosser ou gauion lasche & delié. Le ventre vn peu estroit par dedens co de

& de grande estendue. Les os qui sont souz les flancs, lesquelz les Grecs appellent vertebres, ou os des costez, sont secs es fermes. Semblablement il ha le dedens des cuisses fort, endurant labeur & trauail: sa voix est continuelle, & quelque peu petite: aucunefois basse, comme venant de quelque lieu creux & caché, telle que est celle des Lyons. Son souffle & esprit est espais, attirant beaucoup dair, & en reiettant abondamment. Ses pas sont longs. Quand son esprit est rassis & tranquille le mounement de son corps est lent, pesant, & tardif. Il ha la partie depuis le nombril insques aux piedz moindre que celle de la teste insques au nombril. Il nous conuient maintenant declairer & monstrer les signes du corps femenin, lesquelz sont telz: La teste courte, les cheueux noirs, ou rougeatres tirans sus le noir (que les Grecs disent bruns ou

Cort

res eti-

ues

01-

INEZ

uee,

0

obscurs) cler semez, & nestans drus ny espais, mais molz & faciles à plier. Semblablement le col est gresle, delie & long. La couleur est blanche, ou noire auec passeur, laquelle les Grecs nomment noirceur meslee auec verd. Les prunelles des yeux, que les Grecs nomment noires, noiratres, ou euidemment noires. Toute la face ou visage douce à toucher, belle & pleine, muable & inconstante, clere, luisante, gaye, ioyeuse, gracieuse & affable. Les leures serrees, estroites, & couppees par le mylieu. La gorge ou gauion sentretenant & serrez ou contraint depuis les espaules iusques au nombril. Le corps est estroit & serré: depuis le nombril inques aux genoilz il est long & ample ou plein. mais depuis les genoilz iusques aux plantes des piedz samoindrissant & diminuant. Les bouts ou extremitez des mains & des piedz sont delices & primes,

99

N=

101

rez

mes, limitees & accourcies magnifiquement 🗸 de bonne grace. La plante des piedz est esleuee. Sa voix est petite & mince, moderee,& tresagreable aux oreilles. Son propos & langage est inconstant, subit & gracieux. Son marcher est aduenant, auec petis pas faits songneusement. Il y ha ausi certaines especes lesquelles nous auons attribué au masculin genre, en quelque sexe quelles soient trouvees, & donnent plus tost delles mesmes la signifiance & fruit de masculin genre. Mais les choses lesquelles nous auons dit aduenir & estre attribuees ou ordonnees au femenin genre, en quelque sexe ou espece qu'elles soient, elles donnet plus tost ou denotent vne espece femenine. Ausi en quelque corps que ce soit quune des parties du costé droit est plus grande, comme lœil, ou la main, ou la mammelle, ou le couillon, ou le pied, ou le sommet de la teste : ou bien

bien si cela est en deux sommets de teste, ou en trois, & que la partie laquelle est la plus grande est du costé droit, tous ces indices sont attribuez au genre masculin. Si quelcune partie du corps, du costé gauche, est plus grande que celle du costé droit, nous lattribuons au femenin genre par telz indices. Mais si le sommet de la teste penche & est tourné deuers le costé senestre, ou bien sil est deux ou trois fois plus grand que le droit, nous attribuons & deputons cela au sexe femenin. Dauantage, si les narines ou leures sestendent du costé droit ou senestre, cela denote le sexe masculin ou femenin. Si dong tu vois quune femme aye les parties du costé droit du corps plus grandes que celles du costé gauche, ou que lhomme aye les parties du corps du costé gauche plus grandes que celles du costé droit, tien pour certain que telle personne est vanteuse: & est

nommee par les Grecs orguilleuse, presumprueuse, oultrecuidee, & effrontee: elle est aussi menteuse. & certes telles choses attirent & diuertissent les corps par vne raison contraire & discordante. Et de fait, les parties senestres du corps au genre masculin empongnent & reçoiuent plus tost les maladies & corruptions: mais au contraire, les parties droites des femmes, les prennent. Pareillement il y ha plusieurs bestes distinguees & separees selon ceste division des genres & especes: comme sont les terrestres, volantes, aquatiques, & celles qui se trainnent sur terre. Et de fait, les Latins nomment le Lyon par le genre masculin : le Leopard, le Cerf, & le Lieure par le femenin: l'Aigle, l'Espreuier, au gere masculin: le Chien, la Perdrix, & la Pie ou Agasse, sont rapportez au femenin genre. Finablement, ceux qui ont exercé & pratique la Phyl

re,

171-

Physionomie, ont ordonné, quon fist trois genres desdites natures. Premierement, les hommes ayans proposé les mœurs des gens ou des pais & prouinces, ilz accomparoient vnchacun des hommes, à telles ou semblables mœurs & conditions, en disant: Cestuy ressemble vn Egyptien. Mais les Egyptiens sont rusez, fins, caults, dociles, & apprenans aisément: inconstans, indiscretz & legers, qui font les choses à la volee : enclins à paillardise & luxure. Cestuy cyressemble à vn Celte, cestadire à vn Allemant. Et les Celtes sont indociles, ne pouuans rien apprendre:robustes, & cruelz. Cestuy personnage est semblable à vn de Thrace. Or ceux de Thrace sont meschans, paresseux & yurongnes. Mais par laps de temps les hommes ont eu congnoissance de la Physionomie, par telle sorte: car ilz prenoient garde & consideroient quel visage auoit vnchacun, ou quell**e**

quelle disposition & qualité estoit en son corps, selon tous les mouuemens de son esprit: cestadire, de quelle sorte estoit la face dun personnage courroucé, pensif, craintif, ou enclin à luxure, ou enrageant & forcenant. Or les Physionomiens ayans regardé quelque personne que ce fust, combien quil neust aucune forme ny apparence de rage, forcenerie, ou courroux, ou destre pensif, ilz iugesient & prononçoient celuy personnage auoir la face & visage comme dun enragé, ou courrouce, ou pensif. Le tiers est suruenu, que selon la semblance & similitude ou conformité des bestes, lon iugeast des esprits des hommes. & à la verité, ceste mode & façon ha semblé estre la plus certaine & plus facile: neantmoins les precedentes ne sont delaisses ny obmises. Plusieurs signes sont aussi rapportez à la semblance des bestes. Les choses dessusdites & declairees, sont prayes

177

nes

har.

vrayes & certaines, pour entierement auoir la congnoissance & monstre des especes : au moyen dequoy on peult discerner le masculin & femenin genre & les tenir & auoir clairement en lentendement. Toutefois il fault noter, quily ha vne tresgrande mistion & mestange de signes & indices, tant es hommes que aux autres animaux:tant en ceux que nous auons declairé generalement, que en ceux lesquelz nous dirons particulierement cy apres. Certainement lesprit bon nest composé dautre chose que de vertu : laquelle lha conceu par sapience masculine, & femenine beaute. Quand dong ily aura plusieurs signes contraires & differens en apparence, il faudra iuger & prononcer selon les signes dont on trouuera le plus, ou selon les plus clers, ou meilleurs. Car plusieurs signes doiuent estre preferez à peu: & les euidens, aux cachez: & les forts & robu-Ites, 11-

111

on.

ne,

wa

en

cer

,011

les

bu-

stes, aux moindres & foibles: & selon la forme des signes repugnans y estans seront mitiguez. Or les principaux signes se prendront des yeux : car les Philosophes les disent estre comme portes de l'ame. Et disent dauantage, que l'ame se monstre par les yeux: par lesquelz nous auons vu seul accez pour auoir la congnoissance de lesprit, & le regarder diligemment. Mais il y ha des autres signes, lesquelz viennent apres: & sont establis & ordonnez en la face & en la teste. Et selon que est lexcellence & dignité de chacune partie du corps, telle est la vertu & proprieté des signes. Quiconques dong veult attaindre & paruenir à la Physionomie, il fault que auant toutes choses il aye souvenance & memoire de la signifiance & demonstrance des signes : en apres fault quil aye congnoissance de la dignité & efficace diceux : consequemment fault

fault quil considere & regarde les signes lesquelz il aura trouuez: & puis quil les attribue à soymesme. à fin quil fasse ainsi, comme par exemple: Abedich, lhomme ha les sourcilz conioints, & ioingnans ensemble: laquelle chose denote lhomme babillard & raillard: & ha le front dun pensif, & les yeux dun furieux ou enragé.Le front ne le laisse pas totallement estre raillard. Et certes les yeux diminuent de la pensee & du front. Au contraire, lausterité des yeux rompt vn peu lestat & disposition du front: & selon ces signes sera dit & prononce celuy personnage nestre point excessif ny ennuyeux en ses paroles: ains sera plus tost iugé euidemment auoir lesprit fin & cault, que destre furieux & enragé. Mais il ny ha pas tant petite difference entre les yeux furieux, & quasi furieux ou courroucez, car on ne le void gueres. Ausi on ne peult pas

pas facilement considerer ne congnoitre la difference qui est entre la face ou visage dun pensif, & dun furieux ou cruel. (ertainement ces petites choses sont de grande estimation, or ont grans effectz, or importance. Pourquoy est ce, que plusieurs choses sont tellement obscures, difficiles, & cachees, qu'elles ne peuuent aucunement estre apperceues auecles yeux: & à peine sont comprinses ny entendues par nostre esprit, ains sont plus tost congnues par fortune, & accidens, que par elles mesmes? Car certainement les cas aduenans dauenture, la conuersation humaine, & la propre industrie & diligence de nostre force & vertu, cachent & obscurcissent plusieurs signes. Et außiles aages, maladies, doleurs, courroux, tristesses, solicitudes & chagrin, combien quilz ne changent point tous les signes, neantmoins ilz en troublent & entremeflent

ne

UX

lent aucuns diceux. A ceste cause le Physionome & expert en ceste science, pensera & considerera longuement à celle fin quil puisse distinguer les choses temporelles des naturelles: & ne fault point quil se fie ny assee iugement à vn ou deux signes, mais il en marquera plusieurs, & mesmement des meilleurs. & fault ausi que le diligent Physionome descouure à despourueu & soudain sans que sen prenne garde celuy duquel on veult sauoir la nature. (ar à la verité, vn mesdisant voulant cacher & celer son vice, & pour plus facilement cela faire, encommença de mesdire daucuns: quoy faisant, fut descouvert 🗸 decelé son vice, par les larmes sortans de ses yeux:tout ainsi que les gourmans ayans trouué goust à la viande : & les yurongnes ausi quand ilz trouuent abondance de vin. Un autre estant aux baings fut congnu estre

hy=

era

mai

int

UX

प्राधि

re à

en-

la

ouplus

20-

vert s de

ans

onesi

vin.

gnu

estre dompté & subiuque par paillardise, & ce seulement par sa voix ou souspir, non par parole. Un autre esternuant demonstra quil nestoit pas homme. Mais auant que nous venions à vnchacun des indices ou signes, il fault noter, que si le sang, lequel est le siege de l'ame & esprit (comme dit Loxus) est abondant & en grande multitude, il donne accroissement & force au corps: aux cheueux fermete, solidite, & espesseur: toutefois il resserre, surprend & hebete lentendement & congnoissance de lingeniosité humaine.Or si le sang est delie & menu,ou mince, il debilite & affoiblit le corps, efface la couleur, diminue & amoindrit toutes choses corporelles: mais il entretient lesprit & entendement, & esueille lingeniosité diceluy:enclos la mortalité & crainte : & finablement donne velocité & soudainete à tous membres sensuelz, lesquelz sont establis blis & ordonnez à noz visages: comme sont les oreilles, les yeux, la langue, le nez, & generalement toutes les veines du sang. Dont le mediocre temperement du corps, denote vn esprit parfait. Et certes, celuy esprit est parfait, lequel est egal en sages se vertu. Ainsi aduient, que tout esprit prend son origine par le moyen & temperement du sang. Il fault aussi noter, que lon prend les indices plus certains des cheueux lesquelz naissent quant & quant lhomme: comme des poilz de la teste, des sourcilz & des yeux.

De la nature des Cheueux.

It NOVS convient encommencer au chef. Les cheueux fermes, lesquelz sont noirs ou sales, ords, & dune rougeur aigueuse, estans gros, sont signes dun homme violent & impetueux. Les cheueux molz,

delic

10

delicats, & oultre mesure deliez rouges & der semez, denotent disette & faulte de Sang, & estre sans virilité ny vertu, & ayant lesprit mol & effeminé. Et de tant plus que lesdits cheueux seront cler semez, dautant plus signifient le personnage cauteleux & fin. Les cheueux crespez & ondoyans, denotent lhomme estre trop fin, & caut, auaricieux, craintif, & counoiteux de gaigner. Telles personnes sont accomparees à ceux du païs d'Egypte, lesquelz sont auaricieux & craintifz. Les cheueux espais & serrez, penchans fort sus le front, demonstrent lesprit & courage cruel: car ilz ressemblent la forme des poilz des Ours. Les cheueux qui sont sus le mylieu du front, renuersans & tirans contre le cerue au contremont, denotent vn homme ayant lesprit soudain, & nestre pas sage. Telz ressemblent à ceux de Barbarie. cheueux

rtu.

Son

end

lef-

me:

6

cheueux roides, ou durs, & cler semez, signifient lhomme froid & craintif. Les cheueux iaunes & espais, ou blanchatres, monstrent les gens estre de telle nature, quon ne leur peult rien apprendre: & sont de mœurs & conditions incorrigibles. Certainement telz ressemblent les Allemans. Les cheueux espais bien seans & beaux aupres des temples & autour des oreilles, denotent lhomme fin, caut, & luxurieux. Les cheueux qui viennent autour des temples, silz sont deliez, menus & cler semez, demonstrent lhomme estre froid & sans vertu ou force. Les cheueux noiratres, ou comme disent les Grecs, de couleur de gros vin, nestans point trop peu espais, denotent vne façon & maniere de viure bonne & paisible. Les cheueux blonds & deliez, nestans gueres espais denotent lhomme estre bien moriginé. Les cheueux blonds es del

& deliez, estans un peu espais, signifient bonne condition, & honnesteré. Quand la derniere ligne des cheueux de la teste penche sus le front, cela demonstre lhomme estre courageux, & à demy saunage. Mais quand icelle ligne va hors du front, cest signe dun homme nayant aucune finesse en luy, & estant de peu dentendement. Quand la derniere ligne des cheueux vient de la derniere partie de la teste, & passe par le mylieu du cerueau, estant de tresgrande estendue, cela denote la personne estre soudaine, folle & luxurieus. Quand la derniere ligne des cheueux de la posterieure partie, vient sortir plus hault que le cerueau, cest signe dun espouuente, craintif, effeminé & courroucé.

078

m=

ez,

res, de

nonne

me nds De la peau de la teste.

S^I LA peau de la teste est ridee , lasche ou plyee , cela denote lesprit lasche , mol

C - 2

or effe

er effeminé. Si la peau de la teste est dure, ou espesse, ou restrainte, cest signe dun homme couvoiteux de louenge, sot es niaiz. Cest dong une bonne temperance en la peau de la teste, si elle nest point trop lasche, ny trop restrainte.

Des fignes & indices de la teste.

SI LA teste est vn peu plus grande, que Sle corps ne le requiert, cest signe quil abonde en sens & entendement. Cela aussi denote vertu & magnificence. La teste courte, denote estre sans entendement, sens & sagesse. La teste longue, est signe dignorance. La teste petite denote arrogance. La teste courte, & quasi ronde, signifie & demonstre ignorance & inaduertance. & est semblable aux oiseaux viuans de proye & rapine. La teste moderee

12

deree & bien proportionnee, denote lesprit sage, & abondant en sens & entendement. Neantmoins il est aucune fois craintif, & trop liberal. La teste fort grande signific lhomme estre fol, niaiz, & auquel on ne peult rien apprendre. La teste tortue, oblique, ou allant de trauers, demonstre lhomme estre effronte & sans vergongne. La teste estant en dernier surpassant les autres, est signe darrogance. La teste creuse en dernier denote lhomme trompeur, & plein de finesses, qui se courrouce incontinent & pour peu de chose. La teste grande ayant le front large, & tout le visage fort apparent & de longue estendue, demonstre lhomme estre lourdaut, & nayant point desprit, doux, fort, & auquel on ne peult rien apprendre. & est semblable au Bæuf. Lateste ressemblant vn marteau en la partie de deuant & dernier, signifie lhomme

10-

de,

vi=

20-

c 3 estre

estre imprudent, ignorant & mal aduisé.

La teste droite, estant au mylieu doucement

o vn peu petite, presque plane, vn petit
plus grande que si elle estoit de moyenne
grandeur, denote vn homme ayant force
sens & entendement, & estre magnanime
& courageux.

Des signes du Front.

Lindocile, ord, sale, goulu & gourmand. Il est semblable au Pourceau. Ceux qui ont le front fort large & de grande estendue, sont desprit & dentendement pareseux. Ceux qui ont le front longuet, sont de meilleur estime, apprenans aisément, doux, affables & courtois. Le front courbé, hault & rond, denote lhomme estre sot & niaiz. Le front quarré, de moderee, grand

grandeur, accordant & convenant au corps & à la face, est signe de grande vertu, sagesse, & grand cœur & courage. Ceux qui ont le front plat & dune venue, attribuent beaucoup à leur honneur, sans lauoir merité. Ceux qui ont le front comme estant couvert de la teste, sont arrogans & fiers, ne pouuans durer auec personne. Ceux qui ont le front au mylieu estraint & serré, se courroucent incontinent & pour peu de chose. Ceux qui ont le front ridé & plyé, en la partie denhault, & ausilont retiré & regreni, & mesmement au commencement du nez, sont pensifz. Ceux qui ont la peau du front lasche & estendue, & comme plaisante, sont gracieux, plaisans,& courtois: neantmoins ilz sont dangereux & nuisans. Ilz sont accomparez aux (hiens flattans & amadouans. Ceux qui ont le front aspre, de sorte quil y ha des

nt,

tit,

ر

c 4 durtez,

durtez, comme petites montaignes, & des lieux creux, comme fossez, ilz sont sins, cauts & variables silz ne sont folz ou insensez. Ceux qui ont le front estendu & bendé sont nonchaillans, & asseurez.

Des signes des Sourcilz.

VAND les sourcilz sont droits & longs, ilz demonstrent vn esprit mauuais, imbecille & lasche. Et sont ressemblans au genre femenin. Quand les
sourcilz sassemblent, ilz denotent vn homme estre fort triste, & nestre gueres sage.
Quand les poilz des sourcilz sont durs au
front & aux parties denhault, ilz demonstrent vn homme courageux, qui se courrouce incontinent & pour peu de chose, & est
fol. Et si lesdits poilz sont dressez vers les
temples, ilz denotent vn homme ord & sale. Quand les sourcilz penchent sus les
yeux,

yeux,cest signe denuie & hayne. Quand les sourcilz sassemblent ou retirent, ilz denotent. petit sens & entendement. Les sourcilz lesquelz dembas se plongent aux yeux, denotent vn inconstant & fol. Ilz ressemblent le Pourceau.

ıs,

De la peau qui couure les yeux.

VAND celle peau qui couure les yeux, laquelle souvente sois les enfle, comme si cestoit vne veine & est dessouziceux, si cest de la partie denhault, cela denote vn homme nonchaillant & tout endormi: si cest du costé dembas, cest signe dun yurongne.

Des signes des Yeux.

MAINTENANT il nous fault disputer des yeux, esquelz est establie

c s

O 01

& ordonnee la somme & abbregé de toute la Physionomie. Et certes, quand ilz auront affermé & acertené les signes des autres parties du corps, alors ilz seront plus certains & approunez. (ar les Physionomes confirment & appreuuent leurs dits & iugemens,par les signes & indices des yeux: & en ceste chose est constituee & arrestee toute leur autorité & puissance. Finablement, les signes lesquelz nous auons desta dit, & ceux lesquelz viendront apres, doiuent estre appliquez & accommodez aux indices des yeux. A celle fin que si on ny resiste ou contrarie point, & que telles choses ne soient point tenues ou estimees douteuses, mais plus tost confirmees & asseurees estre telles par les yeux, alors soient approuuees. Les yeux lesquelz reluisent fort, comme gouttelettes de aue nette & pure, denotent bonne condition & tresdouce & tresagreab WS

20-

di

a

agreable. Les prunelles des yeux branlantes & estendues, manifestent varieté. Et si lesdites prunelles sont petites, cest signe de mauuaistié. Lesquelles choses nous congnoissons par les bestes. Car quand les rotonditez des prunelles sont moderees & attrempees, cela denote les animaux asseurez & nonchaillans, innocens & forts. Et de fait, les Serpens, Rats d'Inde, Singes, & Renards, ont les prunelles des yeux petites. Quand lune des prunelles est grande, & lautre petite, cest signe diniquité & iniustice. Ceux qui ont les prunelles des yeux tournans comme fait vne roue autour dun esieu estant pendu, il fault considerer & prendre garde, asauoir mon si elles tournent en vne sorte ou en plusieurs. Si lesdites prunelles tournent lune quand lautre, cest signe que celuy homme est detenu & entaché de cruelles meschancetez. ou bien souillé dhomicides

micides faits en sa maison, ou de viades detestables ou noces, comme estoient les viandes de Thyestes ou de Tereus : ou telles, comme estoient les noces & mariages d'Oedipus, ainsi que nous auons aux histoires. Mais quand les yeux maintenant se roulent, puis tantost retournent, & derechef se reposent par fois, soyes asseuré quilz nont pas encores commis telles meschancetez, toutefois ilz les machinent en leur esprit & fantasie. Or si pour mieux deformer telles prunelles il y ha vne obscurité sus les sourcilz, ressemblant une petite nuee, se tournant souvent & penchant sus les yeux, telles gens sont poursuyuis dune facheuse & ennuyeuse fin: & portent signification en leurs choses domestiques, quil leur tombera dessus quelque malheur par le vouloir diuin.

Des Yeux fichez & ne se bougeans.

dei

607

tir

geo

115

lis

nt

0=

018

4

715

use:

CI LES prunelles des yeux, & ausi les Dyeux mesmes sont fichez & ne se bougent, cest chose mauuaise. Mais silz sont arrestez auec quelque humidité, ce sera signe de crainte: & si cest auec seicheresse, cela denote estre hors du sens. Et ausi ceux qui sont passes, ne sont dentendement sain & arresté, mais ausi, lont estonné. Mais ceux qui estieuent les yeux & les sourcilz auec couleur pasle, sans les mouuoir, & attirent fort lesprit, ou le reçoinent, ilz sont imprudens, mesdisans, cruelz, & se courroucent incontinent & pour peu de chose. Les yeux fort lubriques, instables, & rougeatres, denotent vn personnage luxurieux, & gourmand. Or si auec telz signes aduient, que la partie dembas des yeux, laquelle les couure dessouz, penche dessus les ioues & les diuise, cest signe dappetit desordonné, & paillardise, iniquité, auarice, ma-

niere de viure sans ordre, & incomprehensible gourmandise, effrontement et impudence. Les yeux arrestez & petis denotent vn homme auaricieux, & fort couvoiteux de gaigner. Mais si auec brieueté & immobilité des yeux il resserre le front auec les sourcilz par le mylieu, cest signe quil est dauantage auaricieux, & counoiteux de gaigner. Et si auec ces signes aduient que le corps soit voulté, & courbé, il se courroucera facilement & pour peu de chose, & sera amer comme fiel, et außi sera grand criard. Les yeux fermes & fichez, ayans la couleur verde, auec vn peu de blanc meslé, sans lueur, ilz denotent lhomme estre rempli de cautelles, finesses, oultrecuidance, veillant & songeant continuellement à controuuer meschancetez. Les yeux fichez, petis & humides, le front relasché, & les paupieres des yeux mobiles, demonstrent l'homme estre de nat

de nature facile à se laisser enseigner, & aussi pensif, & cherchant la nature des choses. Celle seule espece des yeux fermes, est estimee & tenue pour la meilleure. Maintenant nous parlerons de la mobilité & vistesse des yeux.

Des Yeux mobiles, & se mouuans vistement.

Les yeux se mouuans soudainement, Les à la haste, denotent lhomme estre troublé dentendement, es souspeçonneux. mais à executer quelque chose, il est paresseux. Et certes, en ces choses il y ha grande distinction, par peu dindice. Car ceux ausquelz les paupieres se meuuent aussi tost que les prunelles des yeux, ilz sont craintifz es sans force ny vertu. Mais quand les yeux se meuuent plus soudainement que les paupieres, cest signe quilz sont hardis, auen-

le

nt

er

es

tureux

tureux & nonchaillans es dangers, & perilz. Ceux qui ont le mouuement des yeux tardif & lent, ont le sens & entendement paresseux, endormi & abesti: ausiilz encommencent quelque chose difficilement:& auec grande peine lacheuent. Dong nous congnoissons ausi par la mobilité, temperament ou mediocrité, les signes & indices des bonnes conditions & honneste coustume & façon de faire. Les yeux inconstans & regardans ça & là , estans noirs , demonstrent quon ne peult moderer & gouverner, ny refrener ses appetis desordonnez de luxure & paillardise. Les yeux tremblans & grans, silz vont ça & là, & sont noirs (comme cy deuant nous auons dit) signifient gourmandise,& quonne se peult garder de boire vin : aussi denotent attrempance de luxure, & apoplexie, qui est vn estonnement du corps, ou de partie diceluy, proue-

nant

in

Ce

nant dun catarre. Les yeux tremblans, & verds ayans vn peu de couleur blanche meslee parmi, denotent lhomme estre sans foy & sans instice. Et certes, ilz se nourrissent & entretiennent des maux dautruy. Et ce quand les yeux tremblans ne sont petis, ains sont ou iaunes, ou noirs. Iaunes, par ce quilz tirent plus tost à estre hors du sens, ou fol & sans raison. Mais les yeux qui sont fort noirs, denotent lhomme subjet à se courroucer incontinent & pour peu de chose. Et si lesdits yeux ne sont quun peu noirs, cela demonstre lhomme estre ausi eshonte, impudent & nayant vergongne aucune. non plus que ceux lesquelz ont les yeux verds, ayans vn peu de couleur blanche meslee parmy comme cy deuant auons dit. Ceux qui ont les yeux flottans, vagues, inconstans, & comme pour la chaleur ne pouuans demeurer en vn estre, ilz denotent quilz

15

la es

1-

7,

1-

ns

rs

de

0=

quilz sont enclins à luxure, & plaisirs mondains.neantmoins ilz ne sont point ininstes, maunais, ny indociles. Les yeux verds, ayans vn peu de couleur blanche, meslee parmi, & desquelz les prunelles sont petites, signifient lhomme estre de seruile condition, plein de tromperies, & couvoiteux de gaigner. Or il y ha plusieurs especes de yeux verds. Carles vns sont bleux ou pers: les autres de couleur de fiel, autres entremeslez de diuerses couleurs, & les autres sont secs: lesquelz estans fort secs, denotent les conditions cruelles. Ceux qui sont bleux ou pers, lesquelz le plus souuent sont humides, sont beaucoup meilleurs. Les yeux secs, verds & blancs, sont signe dun homme fort humide, moite & leger. Donques selon les choses susdites, celle sorte & espece des yeux sera la meilleure, qui seront humides, arrestez, sereins, grans, & fort clers & lui-Sans.

sans. Tu dois toutefois sauoir & entendre, quen telle espece d'yeux, est congnu vn esprit courageux. Par telz indices & signes nous congnoissons lhomme estre sot & niaiz: & si oultre ce que dessus y ha des demonstrations plus cruelles, ou aspres, ou dures, ou seiches, ou plus arrestees, nous pouuons dire Giuger, que la malice ny est point moindre, que la folie. Or reuenons maintenant à la premiere espece. Et à fin que nous puissions congnoitre les signes du corps, par lesquelz est denotee la folie nuisible, laquelle est meslee auec malice, nous poursuiurons lexemple lequel Polemon ha mis de son temps. Il parle & fait mention dun homme, duquel la folie estoit nuisible & dangereus: & dit ainsi. Il auoit les cheueux espais, aspres & rudes, comme silz estoient gelez : la teste estroite, serree, & allant de trauers: les oreilles fort grandes, baissantes

le op

resque rompues: le col dur, les temples rondes, non polies, mais (comme dit iceluy Polemon) creuses. Il auoit le front estroit,& aspre. Les yeux petis & obscurs secs, creux & enfoncez, coulans au dessouz, & aspres. Les ioues estroites & longues. Les leures treslongues. La bouche fort fendue, & tousiours ouverte, comme si tout le visage estoit couppé; tout lespace & internale de sa bouche ouuert. Il estoit courbé & bossu: ayant le ventre sortant hors, & fort apparoissant : les iambes depuis le genoil insques en bas grosses: les artois des piedz & des mains grans oultre mesure, & durs : qui est chose propre & particuliere des folz. Il auoit la couleur aucunement pasle: la peau qui couure les yeux dessouz & dessus en les clinant, estoit enfle, de telle sorte, quon cuidoit tousiours quil eust enuie de dormir. Il auoit la voix ressemblant à celle des brebis.

la

do

& estoit eshonté, nayant aucune vergongne: & estoit detestable & abominable. Oultre ce, le spasme luy retiroit souvente sois les espaules & les paupieres des yeux. Et estoit tellement fasché & ennuyé, quil ne pouvoit gouuerner, moderer ne refraindre ses appetis & affections, ains mordoit & consumoit (a barbe auec les dents, & la mengeoit continuellement: & les poilz & autres cheueux estans vn peu plus loing, il les tondoit & entortilloit, auec les mains, puis les approchoit de sa bouche pour les faire deuorer. Celuy homme, selon lopinion de Polemon, surmonta tous les cruelz, & tous les viuans de son temps : car par sa malice il vainquit les mauuais, & par sa folie, il oultrepassa les folz. cestuy homme donna de grans & euidens signes des deux especes.

1 3 De

Des Eshontez,& nayans aucune honte ny vergongne de rien.

TELVY quiest impudent & effronte, doit estre de telle sôrte : il fault quil ayt les yeux tousiours ouvers, & clers: les paupieres grosses & sanguinolentes: estant quelque peu bossu: & ayant les espaules esleuees & pointues en hault: neantmoins il nest point droit, ains penche sus le deuant. est inconstant, & arrosé de couleur rouge, laquelle reluit au dedens. Ausi il ha la couleur sanguine, la face ronde: & lestomach esteué: la paupiere dembas plus grosse que celle denhault. Et ha la teste longue, en forme dun marceau, & apparoit ou est eminente deuant & derriere: & ceux ausi lesquelz ont la peau de la bouche estedue, sont eshontez, & nont vergongne daucune chose.

pa

fie.

De lhonnesteté des mœurs & conditions.

HONNESTE coustume, & bonne maniere de viure, & la tranquillité de lhomme, lequel est nommé par les Grecs populaire, & aggreable au peuple, est congnue par ces signes : Il se remue tardiuement : 🔗 parle beaucoup plus grauement & lentement. & hala voix dhomme malade plus tost, que clere & bien intelligible : laquelle les Crecs appellent voix sortant comme dune profonde cauerne, or resonnant, yssant de la bouche. Il aura les yeux non trop clers, ains plus tost noirs: nestans gueres cloz, ny paresseux & tardifz. Certainement nous auons dit, que les paupieres soudaines, signifient aucune fois vn homme de petit cour age, & qui nest point propre à la guerre: & autrefois le denotent estre subit.

17,

d 4 De

Des Courageux & Hardis.

HOMME courageux & hardi, que Lles Grecs appellent cruel & vehement à se courroucer, doit estre formé de telle sorte. Il sera droit de corps, propre & conuenant à peine, labeur & trauail, bien façonné es parties du corps, estans entre les iointures, & de tous ses membres : & est presque vermeil & rouge. Il ha les espaules grandes, separees, or larges. Les bouts or extremitez de ses piedz & des mains sont grandes, & fort tenantes. Sa poitrine & ses aines douces à toucher. La barbe luy croist facilement. La derniere ligne des cheueux de la teste, pend & tend en bas. Son front est rond. Ses cheueux ne sont point pleins ny vnis, mais se dressent. Ses sourcilz sont rudes & esteuez contremont. Il aura ausi les oreilles en leur lieu propre : cestadire, qu'elles Geront

feront vn peu plus bas que les sourcilz.

Des Doux & Priuez.

Lest de ceste sorte. Il aura le visage entier, massif, & robuste: abondance de chair molle & delicate, cestadire humide. Il autes les parties & mesures de son corps bien proportionnees, & aura le ventre vn peu renuersé en hault. La dernière ligne de ses cheueux ramenee en contremont. Les profonditez des piedz & des mains, creuses & polies: cestadire, qu'elles ne soient point du tout comme vnisormes, ou coniointes, mais separees, come raclees & polies, ou engrauees.

Des Misericordieux & Pitoyables.

Le MISERICORDIEUX est congnu par ces signes. Il ha les membres d s polis, polis, lequel mot nous auons declairé cy deuant: la couleur blanche: les yeux noirs : les narines primes & deliees en la partie denhault. Telles personnes facilement pleurent, & sont enclins & adonnez aux femmes, ilz engendrent le plus souuent des filles. Et entre tous, il nha communement quune façon de viure.

De ceux qui font adonnez aux coustumes & façons de viure.

CELVY qui est adonné & subiet à ses Complexions, est ainsi: Il ha bonne memoire, bon esprit & entendement, sin & caut: ses yeux sont comme pleurans & quasi passes.

Des Paillards.

Les paillards, cestadire ceux qui ne peuuent refrener leur luxure, doiuent estre

estre de ceste sorte : Leur couleur est blanche, leur corps est velu à gros poil & piquant: leurs cheueux roides: les parties pres la bouche velues, à gros poilz noirs, droits, rudes & maßifz. Ilz ont außi les temples velues, & pleines de durs poilz. Leurs yeux sont tardifz, paresseux & humides. Ilz ont les iambes depuis le genoil iusques en bas, minces & deliees : lesquelles sont fort estendues par les nerfz, & velues, à gros poil & piquant. Ilz sont gros de vetre, ayans le men ton replie, & les narines comme penchans: & entre la bouche & le menton y ha vne planure creuse. Ilz ont la veine aux bras: & ont les paupieres cler semees de poil: aussi ilz ont les cheueux cler semez & tombans.

Des Babillards, Caqueteurs & Caufeurs.

CEVX qui sont grans parleurs, ont les Cparties denhault depuis les aines beau-

coup

coup plus grandes que celles dembas. & ont le visage poli, & le ventre velu à gros poil.

De la bonne memoire.

CEVX qui ont bonne memoire, ont les parties denhault de leur corps fort petites: & sont polies & seiches.

Des Danseurs, & aymans les ieunes enfans impudique-

Les danseurs, & aymans damour illicite, sont ainsi denotez: ilz tournent & pendent la teste de costé: serrans les espaules: leuans en hault le talon: & le plus souuent quand ilz parlent, ilz ioingnent les piedz. Ilz auallent & engloutissent plus fort que les brebis: & regardent leur nez: aussi ilz le redressent & façonnent auec leurs doigs. Ilz sont jongneux de marcher & mettre les piedz piedz dessus le crachats de quelquun, ou du leur mesmes. Et regardent souuent les parties de leur corps, lesquelles ilz cuident estre les plus belles. Ilz se souzrient souuent en parlant: ont la voix casse. Leurs sourcilz sont desioints & separez. La peau laquelle couure le dessus de leurs yeux leur pend de telle sorte, qu'elle couure celle qui couure le dessouz Silz saultent, leurs espaules außi tressaultent. Ilz remuent le corps ainsi que font les femmes. Leurs bras sont tournez & renuersez. Austilz estendent mettent leur robe pres du rable : & quandilz rient, ilz crient hault. Et souuent empongnent les mains des autres. escrit en plusieurs lieux: que, Excessinetez ou superfluitez sont vicieuses: &, Mediocrite est bonne. Neantmoins nous disons maintenant, que mediocrité nest pas bonne ny entiere. Et ausi ce qui est le mylieu, ou mediocrite.

ut.

18:

crité, nha pas esté cherché songneusement. & nest pas bonne en toutes choses:mais aucune fois on iuge le temperement alors estre bon, quand entre les deux moytiez il ny ha aucune chose moyenne ou moyeantiere, mais plus tost quand il tend vers lune des parties. Donques sinous mettons icy deux ou trois exemples, on congnoitra plus euidemment les signes lesquelz sont les meilleurs. Certes nous auons dit que les yeux creux denotent vices. Si donq nous regardons à vne certaine mediocrité, nous trouuerons que les yeux pleins & vnis, sont tresbons. Mais nous ordonnons & proposons les yeux estre tresbons, qui sont vn peu moindres que les vnis & pleins. Et certes cecy est ressemblant au Lyon. Nous auons pareillement dit, que la teste desmesuree & tresgrande, ou petite, est vicieuse. A ceste cause, la teste de moyenne grandeur deuoit estre dite tresbon-

ne, selon ceste definition. Mais ont dit celle teste estre tresbonne, laquelle est vn peu plus grande que la moyenne. Dauantage, nous auons dit, que la bouche estant courte ou tresgrande, est vicieuse. Dong selon ces choses, la bouche de moyenne grandeur deuoit estre tresbonne. mais ce nest pas ainsi. Certainement alors la bouche est tresbonne, quand elle est vn peu plus grande que la moyenneté ou mediocrité ne lordonne. Et de vray, cecy ausi ressemble au Lyon. Dong selon ces exemples, la moyenneté certaine ne doit point estre prinse ny de mesure, ny de moyen,ny de raison, quand iceluy moyen sera contraire: mais selon ce que la decence & conuenance le nommera & dittera. Car à la verité, la conuenance & decence doit estre cause de la moyenneté & mediocrité. Mais nous auons dit cy dessus quelle est la force & vertu de conuenance : laquelle atti-

t.

re à soy soudainement à certaine espece de similitude. Lesprit de celuy qui regarde, co considere alors quil imagine lentendement de quelque femme, ou homme, ou de quelque autre animal. Et à celle fin que tu puisses congnoître les vertus & proprietez des animaux, ie mettray aucuns exemples extraits de Loxus. Et certes, Polemon auec peine & labeur ha poursuyui & declairé ceste partie: apres luy Aristote lha escrit plus obscurement: mais Loxus, en tant que concerne cecy, lha dit sommairement.

velles номмеs
reffemblent les
bestes.

Du Cheual.

Lesueillé, & saultant de ioye : courageux à combattre : couvoiteux dobtenir victoire:

Souffr

Jouffrant & endurant le trauail & labeur. Donques les hommes lesquelz ressembleront cestuy auimal, ilz auront les cheueux estendus, & rouges. Ilz auront la peau qui couure les yeux tresgrande, le col tressong. Les narines fort estendues & larges. La leure dembas penchant & pendant. Ilz seront fort chauds à paillardise & luxure: se vantans, fort rioteux, & peu sages.

De l'Asne.

L'ASNE est vne beste fort svoide, à laquelle on ne peult rien apprendre, paresseuse, & lourde, nestant point accoustumee à faire quelque chose: & ayant la voix mauplaisante. Les hommes lesquelz sont accomparez à ceste beste, ilz ont les iambes depuis le genoil iusques en bas grosses: la teste longue, les oreilles grosses & longues: les leures lasches: la voix dissorme. Aussi ilz sont lourdauts, froids,ne faisans aucune estime de disette,ou dommage.

Du Bœuf.

LEBOEVF est vne beste ayant la teste grande, le front large, les yeux grans, la bouche de grande estendue, les narines larges, les costez grans, & le ventre ample deux qui ressembleront ceste beste, ilz seront indociles, ayans besoing destre enseignez, couards & paresseux à parler, lourdauts, & nayans point desprit: plus propres & conuenables destre gouvernez, que de gouverner: toutes ois ce nest point sans honnesteté. Aussi ilz ne sont point iniustes, mais courageux.

Du Cerf.

I E CERF est vne beste craintiue, soudaine & legere, se courrouçant incontinent tinent & pour peu de chose, & imprudente. Les hommes lesquelz ressemblent ceste beste, ont le corps long, les membres estroits & gresles, ayans les ioues grandes, cheminans soudaunement & legerement: aussi ilz se courroucent facilement, & ont peu de courage: ilz sont legers & inconstans: de caut & sin entendement: & nayans force ny vertu de faire quelque chose.

Du Lyon.

Les hommes lesquelz sont auront la laise presque in unincible quand elle compared presque presque presque paison la laise en repos: vehemente quand elle has faim: douce or paisoble quand elle est saoule: aussi presque invincible quand elle combat. Les hommes lesquelz sont accomparez or ressemblans ceste beste, il auront la

1-

teste grandette, les yeux tresclers, la bouche fort sendue, les narines ouvertes & grandes: le col serme & massif: les espaules & la poitrine tresgrande: les flancs estroits: le dehors des cuisses sec & maigre. Le bas & extremité des piedz & des mains separé & divisé. Ilz sont quelque peu rouges, & ont les poilz rudes. Telz esprits nont aucune affection, foy, ny soing damitié.

Du Chien,

Le Chien est vne beste laquellement appaisee. Il est adonné aux viandes delicates: ce que les Grecs nomment gourmandise, facilement on le trouble, & facilement accuser: il veille voluntiers. Les hommes qui sont accomparez à ceste beste, ilz seront petis de visage, & auront la bouche

in

che fort fendue:le corps long:le nez pointu: les yeux tresapparens: außi ilz scront mesdisans, fins, cauts, inconstans & legers, facilement & incontinent se courrouçans.

Du Singe.

Les hommes lesquelz sont ressemblans ceste beste, sont petis, ayans les yeux enfoncez, les ioues barbues, le col court, les yeux petis, la face ridee, contrefaisans les esprits, entendemens ou inventions des autres, mais leur engin & entendement est imparfait & inutile.

Du Iars ou Oye.

L'OYE est vne beste hardie & temerie. Les hommes lesquelz ressembleront ceste beste, ilz aurot les piedz larges, les iambes depuis le genoil en bas courtes, les talons grans, les narines longues & droites, la teste presque ronde, les yeux ronds & reluisans: aussi ilz auront le doz large. On ne doit rien donner à garder à telles personnes, car certes elles ne le rendront point. Et encores moins tiennent leur soy, & ce mesmement, car de tant plus quilz sont gourmans, tant moins sont sideles & loyaux. Et aussi eux mesmes ayans donné quelque chose, ilz ne tiennent conte de le recouurer.

Du Loup.

LE LOVP est vne beste rauissante rouçant facilement & pour peu de chose: espiant & guetrant, hardie, violente & impetueuse. (eux qui ressemblent ceste beste, sont formez de ceste sorte: Ilz ont les na-

rines

rines fort crochues, pendates en bas: les sourcilz conioints, à gros poil velu & poingnant:
les yeux petis, fermez, & aucunement enfoncez. Leur teste est petite, & ronde: leur
corps est fort velu: leurs cheueux longs: leurs
iambes depuis le genoil iusques en bas, sont
retirees & raccoursies. Telles personnes
sont sines, cautes, meschantes, se resiouissans
de meurtres, faciles & promptes à se courroucer: & sont si fort mauuaises qu'elles ne
veulent prendre ce quon leur presente, ou
offre: mais rauissent cela quon ne leur
donne.

De la Tortue.

A TORTVE est vne beste paresseuse

Les negligente, fole, gourmande, ne faisant prousit à aucun, ny à soymesmes. Toute semme laquelle est accomparee à telle
beste, est de ceste forme: Elle ha le col court,
e a le doz

le doz large, les piedz larges, le visage plein de rides, es principalement les ioues. Telle femme sera sotte es follastre, ingrate es mescongnoissante, nayant force ny vertu de faire quelque chose.

De la Coleuure.

Le, nuysant & portant dommage, espiant & guettant. Si elle est à repos, elle est terrible, & donnant frayeur: mais si elle craint, elle sen fuyt, & est adonnee & subiette à gourmandise. Les hommes lesquelz seront accomparez à la semblance de ceste beste, seront de ceste figure. Ilz auront la teste petite, delice & ronde: les yeux petis, ronds & clers: le col long & delié: la bouche fort fendue: le corps fort long: la poitrine aussi sera estroite: et esbranlent soudainement & facilement la teste. Certai-

nement

nement telles personnes seront homicides hardies, auentureuses, craintiues, & aymans meschancetez.

De la Chouette, Hibou, ou Chathuant.

I A CHOVETTE, que les Grecs nomment Hibou ou Chathwant, est vne beste
raillarde, & criarde, paresseuse, inconstante, muable, & ne demeurant iamais en vn
mesme lieu: nayant aucune passion en son
corps ou esprit, tellement qu'elle ne nourrit
point ses petis. Car certainement le masse
les nourrit, & sassemble & saccorde auec
eux. Elle habite en diuers lieux, & demeure dens les murailles, & troux dicelles, tant
est grande sa paresse. La femme ressemblant ceste beste, est de telle sorte: Elle ha le
nez crochu, les paupieres grandes, les yeux
grans & ronds: les espaules fortes, le doz

ļ

large & gros. Et certes, telle femme nest point loyale ny sidele à son mary ny à ses silz. Elle est fort chiche, & ne sentremet de faire chose que ce soit auec ses mains: aussi elle est fort abandonnee de la langue.

Du Paon.

I E PAON est vne beste senorgueillis-Jant & senstant de sa beauté: estant folle: ressemblant la derniere partie de son corps, criarde, & ayant la voix ressemblant à celle des femmes. Tous les hommes qui sont accomparez à ceste beste, ilz seront gresses, de corps beaux, leur teste sera quasi ronde: leurs yeux beaux, le col long, & leur marcher sera beau. Aussi ilz donneront facilement & liberalement & seront adulteres & amateurs impudiques de ieunes enfans.

Du

Cor

Du Coq.

E CO est vne beste inepte, chaude à paillarder, ayant grande fiance & asseurance à sa voix & beauté. Les hommes lesquelz seront ressemblans ceste beste, seront de telle forme : ilz auront les yeux ronds,& reluisans: la teste petite, mobile & legere:le col dreßé droit en hault.Les espaules legeres, ausquelles toute leur chaleur 😙 vertu consiste. Aucune fois ilz senorguilliront des cheueux de leur teste.Ilz auront les iambes droites depuis le genoil en bas. La barbe honneste, & conuenable: leur voix sera hautaine & resonante. Et sattribueront beaucoup dhonneur, à ceste cause quand ilz combattent, ou font tournois, ilz senorquillissent. Ilz ne prennent point voluntiers chose aucune dautruy: & ne se contentent bonnement de leurs propres fem-

mes.

mes. Ilz sont sans autorité, sans conseil, & sans honneur & reuerence. Selon cestuy exemple, tu auras la congnoissance de toutes les façons de viure des hommes, situ considere distinctement la proprieté & complexion des autres bestes, & puis prens garde, asauoir mon quelle beste est plus approchant & sortable aux complexions des hommes, en les conferant ensemble. Certainement il nous fault noter, que souuentefois en vn seul homme sont trouvez ensemblement plusieurs signes des bestes desquelles nous auons parlé. Laquelle chose est difficile touchant de iuger: mais il fault rapporter vnchacun des signes à son espece. Aussi il ne fault point craindre de dire & prononcer vn homme estre ressemblant à plusieurs bestes. Carcertes, sil advient que les signes 🛷 complexions dun Cheual, & dun Singe soient conuenables & se accordans en vn homme

homme, combien que cest chose fort difficile à y penser & entendre, neantmoins chacune chose doit estre rapportee à son espece. A ceste cause ne fault point auoir de crainte, de declairer, quun homme seul ressemble à plusieurs bestes. Car sil se treune que les signes de Singe & de Cheual conviennent & sassemblent en vn homme, tu ne dois douter ny craindre de dire que celuy homme ha larrogance & fiereté dun Cheual, & la mauuaistie dun Singe. Ou si quelcun est approchant les complexions de trois bestes, ne crains point de le dire estre de la complexion de trois bestes. Certainement cest chose tresdifficile de vouloir regarder & considerer lhomme, pour apres asseoir iugement en ce regardement. Car vnchacun tasche & sefforce de celer & cacher son vice et imperfection. Außi lestude des lettres, la conuersation & hantement obscursissent assez les entend

t

14

entendemens des hommes. Donques il est certain, que souventefois vn homme has lesprit & entendement de diuerses sortes & façons, comme nous voyons. Or les bestes sont simples, non point feintes, nues, imprudentes, & ne se donnans point garde: & ont vne chacune leur nature en euidence, & toute apparente. Polemon, & Loxus estiment tant ceste opinion, & doctrine, quilz assenrent, quelle demonstre aucunes choses à venir. Donques entre plusieurs choses lesquelles Polemon dit auoir predit & diuine, nous en raconterons deux ou trois exemples, & ne laisserons point cestuy. Il dit, que luy estant en Liste de Samos, il regarda la face dun homme, lequel changeoit en dedens la forme des yeux dunchacun. & dit dauantage, que les prunelles de ses yeux, auoient perdu la beauté & lueur de sa vinacité. Polemon donques considerant ces choses, predit &

dit & diuina par inspiration diuine, ce qui luy estoit à venir : & alors il commença principalement par ces indices recongnoitre & aduouer la verité.

De la peau qui couure lœil.

Ceux qui les ont fort minces & deliees, sont à estimer.

Des Ioues.

Ime si elles estoient couppees, ou aggrauees par leur grandeur & pesanteur, & sont rondes, cest signe dun envieux. Les ioues douces & grandes, denotent lhomme estre importun & ennuyeux en paroles longues & vaines.

Du Visage.

VAND tout le visage est plein & gras, il signifie vn couard & parefseux, adonné à plaisirs & volupté. Si le visage est agresli & retiré, cest signe dun pensif, trompeur, cauteleux, craintif & fin. Le visage petit, demonstre vn petit & estroit entendement. Le visage grand oultre mesure, est signe de folie & couardise.

Des Narines.

VAND le bout des narines est aigu, ou pointu, cest signe que lhomme se courrouce facilement & pour petite cause. Quand le dessouz des narines est massif, mosé & presque rond, cela denote lhomme fort & courageux. Les Lyons, & les bons Chiens ont les narines semblables, comme ceux que nous venons de declairer. Les

narines

ble

fen qui pet les

les

narines longues & deliees, ressemblent celles des oiseaux: & signifient telles & semblables coustumes ou conditions. La partie du nez qui est aupres du front, estant honnestement separee du front, ou comme disent les Grecs, bien ordonnee, cest signe de virilité. Certes cela ressemble au Lyon.ausi cela denote prudence & sagesse. gine & source du nez nest point divisée ou Separee, ne distincte, mais est sans ordre ny reigle, cela demonstre la folie & lascheté de lesprit & entendement. Aussi cest signe femenin. Quand le nez est droit, cest signe quon ne peult refraindre ny moderer ses appetis & affections de la langue. Cest meilleure chose si on ha le nez tresgrand, que de lauoir fort petit. Carles petis nez, denotent les conditions seruiles, les larrons, & ceux qui reculent & ne veulent venir au poinct. Le nez courbe, que les Grecs appellent crochu, est signe de courage & hardiesse.

Le nez plus petit & bas, que les Grecs appellent camuz, denote lhomme luxurieux & paillard. Le nez estendu & large, denote gayeté de cœur & force. Les navines fort estroites, rondes & estouppees, signifient folie. Les narines petites denotent mauuais esprit & entendement.

Du Menton.

Q N A N D le menton est long, cest signe que lhomme ne se courrouce pas incontinent, on nha point sa complexion troublee: neantmoins il est vn peu causeur or raillard, of se vante of estime. Ceux qui ont le menton petit doiuent estre euitez: car oultre autres vices, ilz sont rudes, cruelz, taschans of espians à surprendre quelcun. Ilz ressemblent les Serpens. Si le menton est rond au bout, cela denote les comple-

xions

xions des femmes. Et certes cest vn signe femenin. Le menton viril, doit estre presque quarré. Quand le menton est divisé ou forchu en bas, de sorte quil aye comme deux petis sommets: si la division & sente se fait de loing, & que le menton soit divisé aupres, cela signifie vn esprit adonné & accoustumé à fallaces & tromperies: mais si la moitié diceluy menton nest point trop abbaisse, cest signe de plaisance & ioyeufetez.

Du Col.

LE COL long & delié, denote crainte Le mauuaistié. Le col large oultre mefure, & long, demonstre lhomme estre courageux, vanteur, & orguilleux. Donques le col qui est moderement long & large, & nest aucunement rond, cela denote la vertu & entendement de lesprit, la commodité &

,

aptitude ou conuenance du corps. Le col qui est estendu par nerfz euidens & apparens, denote lhomme sot & niaiz, auquel on ne peult rien apprendre. Et sil y ha autres signes concordans, cest signe quil sera hors du sens, combien quil ayt les nerfz fort apparens. Les veines cleres & tresgrandes, coniointes au col, denoteront le semblable que signifient les nerfz. Ceux qui ont le col large oultre mesure, ilz se courroucent facilement & pour petite chose, & ne leur peult on apprendre chose aucune: telz esprits sont bien pres des meschancetez. court est congnu par effect & par exemples, estre le signe & demonstration dun homme craintif & auentureux, lequel les Grecs appellent rauissant. Mais quand entre la conionction des espaules,& origine du col ou chainon y appert vn petit chainon, comme vn petit col, & si les autres nœuds de leschi-

ne ne saccordent doucement auec luy, & nestans egaux sont distans les vns des autres, comme est le dessus des nœuds durs, cest signe quilz sont orguilleux, arrogans & fiers, ne pouuans durer auec personne. Le col dur & ferme, denote lhomme auquel on ne peult rien apprendre. Le col humide, denote lhomme estre facile à retenir & apprendre. Or les Grecs appellent une chose humide aux corps, quelque chose molle & facile à plier, non pas toutefois ce qui est euentré, mol & effeminé. Il est donq necessaire de rapporter & retenir la signification dun tel homme, par ce mesmement que les Grecs le nomment par metaphore. Car certainement elle sera souventefois necessaire. Le col aspre, rude, rabouteux & creste, demonstre lhomme estre tel, quon ne luy peult rien apprendre : & est arrogant & fier, ne pouuant durer auec personne. Le col

CH

ne

les

CO

gr. fe

Le col roide & dur, qui ne peult fleschir ne ça ne là, estant comme fiché ou planté, denote vn homme qui nest point sauant : ausi il est arrogant & fier, ne pouuant durer auec personne: & certainement ce signe aussi est conioint aux folz. Dong par les autres signes & indices tu iugeras, asauoir mon si cest par folie, ou par arrogance, que le col est roide, & comme fiché ou planté. Mais quand aucuns tachent & counoitent estendre le col, & larroidir & ficher, combien quilz congnoissent bien quilz lont dessoint & pliant ou coulant, ilz sont plus facilement congnuz. Certainement außi les gens effeminez, lasches & delicats sont manifestez par le retirement des leures, tournement & changement des yeux, tranfportement desaccordant & ne conuenant point, ausi par la disposition du rable, constance & fermeté des mains: & par tremblement

blement de voix laquelle par effort & peine vient. Toutefois en telz colz ny ha aucune certaine contenance ny estat. Mais si vous y prenez garde songneusement, certainement vous verrez trembler & chanceler leur col. (ar suite & imitation facilement considere & regarde de toutes parts & de tous costez. Quand dong le chainon du col est entrerompu, il est euident & certain que celuy qui lha ainsi rauallé, est fol, ou effeminé. Certes les autres signes conduiront & reigleront la congnoissance & entendement. Quand le col est ferme, immuable & moderé, cest signe de bonnes mœurs & façon de viure. Quand le col est tors & renuerse en hault, cela demonstre vn homme cruel, fol, vain, arrogant & fier, qui ne peult demeurer auec personne. Mais il fault derechef considerer & regarder par les autres signes, asauoir mon si le col est tors par

arrogance & fiereté, ou par folie. Quand le col est plié ou penche du costé de la poitrine, cela peult demonstrer que lesprit & entendement de lhomme est empesché en pensemens: & peult ausi estre occupé à espargne, chicheté, & ausi à mauuaistié, selon que les autres signes saccorderont. Et dauantage, il fault quil ny aye aucune de ces choses, qui soit simple, seure, ou laissee, qui puisse comprendre quelque chose. Le col qui penche ou pend du costé gauche, denote aucunement la folie, & estre fort effeminé. Aristote semblablement dit, que ceux qui pendent la teste du costé droit, sont effemi-Le col fort large & gros, tellement quil ne se plie sinon auec grand peine, denote que ceux qui sont rauissans, sont auentureux & hardis. Cecy ressemble au Loup & au Singe.

Du

ta

Du Gosier.

Ladenote legereté & inconstance, cela se rapporte & ressemble les oiseaux. Quand le nœud du gosier est apparent & sort en dehors, cest signe de inconstance & faulte dhonneste grauité. cela ressemble aussi aux oiseaux. Neantmoins il ne le denote pas auentureux ny mesdisant. Mais il est certain, quil est triste & soupçonneux.

De la Gorge ou Gauion.

SI LA gorge est fort estrainte enclose depuis les espaules iusques à la poitrine, cela demonstre la tardiueté du sens, en sottife de lentendement en esprit : aussi est signe que lhomme nha les mains propices ny conuenables pour labourer ou faire quelque chose. Quand les deux costez de la gorge

fs Joni

font fort eslongnez des espaules, & font vn grand & large signe, cela demonstre la debilité & lascheté de lentendement. Selon les choses susdites, mediocrité sera fort bonne, & denotera vertu & prudence.

Des Espaules.

Les espaules qui ne sont point grosses, sance. Les espaules lasches & nullement rondes, signifient crainte, & debilité desprit. Les espaules petites & deliees, estans droites & pointues, demonstrent lhomme estre, guetteur & ne tachant que surprendre aucun & le deceuoir. Si les artoilz & nœuds des espaules ne sont aucunement divisez ny separez, cest signe de folie. Les espaules traitables, bien divisees, separees & bien parfaites, denotent honnesteté. Ilz sont reservez à convenance & bienseance. Les espaules

bo

espaules empestrees & entrelassees, ne conuiennent point auec honnesteté & bienseance.

Des Mains.

QUAND les mains sont si longues, que estant le corps tout droit & debout si on les estend & laisse pencher en bas, elles approchent des genoilz, cest signe quelles sont propres & bien conuenantes à force & trauail. Mais quand elles sont courtes, & ne touchent que insques au mylieu de la cuisse, cela denote telles gens estre maluueillans, & sessiouir du mal & infortune dautruy. Et à celle fin que tu puisses congnoitre telles gens, saches que tous ceux qui desirent menger estendent la teste 🔗 auancent la bouche, à fin de prendre plustot la viande auecles dents que auecles mains, ilz ontles mains petites, & sont maluueillans, & le sious sessionissent du mal dautruy.

Des Couldes.

Les couldes gresses & deliez, denotent lhomme estre lasche & soible: & silz sont trop repletz, cest signe dun auquel on ne peult rien apprendre. Quand donq les couldes sont moyennement massifz, & enuironnez ou garnis de nœuds, iointures & muscles, ilz demonstrent constance & fermeté desprit & de courage: & ausi excellence & noblesse de corps, & se refere à con-uenance & bienseance.

Des Doigts.

SI LES doigts sont molz & delicats, Silz denotent quon apprend aisément. Quand les doigts sont durs, ilz demonstrent lhomme estre fort, & auquel on ne peult rien apprendre. Les mains courtes & les doigts forts sont commodes & opportuns. Les mains grasses & petites, si elles ont les doigts courts oultre mesure, cest signe dun qui recule, & ne veult point venir à la raison: & aussi denote vn guetteur, espieur, & larron. Les mains deliees minces, & entortillees signifient vn abondant en paroles.

Des Ongles.

Les ongles blanches, larges & quelque peu rouges, sont signe dun tresbon esprit entendement. Les ongles estroites & longues, denotent sottise & sauuageté ou bestialité. Les ongles qui sont pliees & courbes, signifient lhomme nauoir aucune vergongne, & estre rauissant. cela saccompare aux oiseaux & bestes violentes, impetueuses. Les ongles qui sont fort serrees, sichees & attachees, demonstrent lhomme estre cruel, sot & niaiz. Les ongles trop courtes,

courtes, denotent lhomme estre maling & mauuais. Les ongles passes, ou noires, ou aspres, rudes & raboteuses, signifient lhomme estre mauuais & maling. Les ongles toutes rondes, sont signe que lhomme est prompt à luxure. Ces signes lesquelz sont appropriez aux ongles, ne sont pas deux mesmes assez suffisans: toutefois silz sont conioints auec des meilleurs, ilz ont quelque vertu & puissance. Les doigts qui sont conioints & assemblez, demonstrent thomme estre ord & sale. Les doigts qui sont iettez ou tortus amassez ou amoncelez, signifient lhomme estre auaricieux, mauuais & maling. Les doigts qui sont petis & deliez, ou menus, demonstrent lhomme estre fol. Les doiges petis & gras, declairent que lhomme est enuieux, hardi, auentureux & cruel. Les doigts fort longs & fort menus ou deliez, sont signe de folie. Les doigts

doigts qui sont distans ou separez lun de lautre immoderement, denotent lhomme estre leger & abondant en paroles. Les doigts qui sont de moyenne grandeur, signifient honneste apparence, & bonne façon de viure. Les choses susdites, seruent tant aux doigts & ongles des mains que des piedz.

De la Poitrine.

it

ît

rt

SI LA poitrine est bien ordonnee & di-Suisee: & que chacune des parties soit excellente & clere, que les Grecs disent bien propre & idoine, cest bon signe. La poitrine mince & petite denote lhomme nauoir point de force, & estre debile desprit & entendement. La poitrine estant fort charnue, demonstre lhomme ne pouvoir apprendre aucune chose, & estre lasche & paresseux.

Des Mammelles.

SI LES mammelles sont pendantes, & que la poitrine soit ceinte ou enuironnee de chair molle & delicate, cela signification yurongnerie, & ne pouvoir refrener ny moderer ses appetis de luxure & paillardise.

De la partie du doz estant entre les espaules droit à lopposite de la poitrine. m

CON

de

To v s disons semblablement du metaphrene, qui est la partie du doz, droitement opposite à la poitrine. Si le metaphrene est massif & dur, cest signe de virilité & force: mais sil est mince & delié, il denote debilité & crainte. Si le metaphrene est fort rempli de chair, cest signe de folie. Si ledit metaphrene est petit, & de petite estendue, cela demonstre lhomme estre fol. fol. A ceste cause il appartient & est requis que les hommes ayent celle partie du doz entre les deux espaules assez large & estendue: & si elle est vn peu ronde, elle nen doit estre moins estimee : car elle denote lhomme auoir lesprit prompt, & bonne grace en dits & en faits. Ceux qui ont le metaphrene courbé, qui plie & tourne leurs espaules deuers la poitrine, sont malings & enuieux & ce dauantage, si tout le corps est ainsi courbé & plié. Et certes, auec ce que nous auons dit, cela denote vn appetit & couvoitise de gaigner, quon ne peult refrener. Il fault außi mesurer lespace lequel est depuis le nombril iusques au bout de la poitrine, & iusques à la source & origine du col. Si la partie de la poitrine est plus grande, cela demonstre prudence. Si celle parcie qui est dedes la poirrine, insques au nombril est plus grande cest signe dun gourmand.

Du Ventre.

VAND le ventre est grand, & y ha amas de chair molle & delicate, cela denote vn homme nauoir aucun sens ny entendement: est ant yurongne, excessif & faisant beaucoup dexces: adonné à toutes dissolutions & paillardise. Sil y ha trop de chair au ventre, & qu'elle soit dure & ferme, cest signe dun homme mauuais, & inuenteur ou ouurier de meschancetez. Si le ventre est petit & plat, comme est ant vuide, cela denote lhomme craintif, maling & gourmand. Si le ventre est vn peu mol & retiré, ou profond, il demonstre la force de lesprit & magnificence.

Des Costez.

SI LES costez sont minces, estroits ou Serrez, cest signe de crainte. Mais silz sont font totalement remplis de chair, o quilz soient durs, cela denote gens ausquelz on ne peult rien apprendre. Et si lesdits costez sont ronds, comme silz estoient enslez, ilz signifient abondance de paroles vaines o ausquelles ny ha aucun effect. Et sont accomparez aux Grenoilles.

Du Doz.

SI LE doz est large & massif, cest signe Sde virilité & force: & sil est au contraire, cela denote vn homme esseminé & debile. Ceux qui ont le doz courbé & bossu, silz ont le corps mol & delicat, lequel cy deuant nous auons nommé humide, qui est vne chose molle & facile à plier, ilz ne sont point si dangereux, que si leur corps estoit espais & massif.

Des Flancs.

CEVX qui sont estroits et serrez aupres des

flancs, tellement comme silz estoient troussez & ceints par dessouz, ilz sont totalement vertueux,& ayment la chasse.

De l'Eschine:

SI LA partie dembas de leschine, la-Squelle les Grecs appellent le rable ou les rongnons, est fort large & grande, environnee de chair molle et douce, cela appartient aux femmes, & est referé à convenance & bienseance. Si leschine est longue, & se sinist en pointe ou en aigu, cela denote vn homme craintif, & qui ne peult resrener ny moderer sa luxure & paillardise. Leschine dong qui est fournie dos, massine & moderee, est signe de virilité.

Des Hanches.

Les hanches, sont os lesquelz comprennent & enclouent le ventre, & ausi ausi les os des cuisses. Si donq les os des hanches sont durs, masifz, separez & di-uisez des os, ilz demonstrent lhomme estre vaillant, fort & homme de guerre. Et certes il est accomparé au Lyon. Si les hanches sont grandes ou larges oultre mesure, & remplies de chair, elles denotent lesprit & entendement de natute femenine, selon la conuenance & honnesteté. Si les hanches sont fort maigres, taries, ridees & enuironnees de peau mince & deliee, elles demonstreront la mauuaistié & malignité des Singes.

Des Cuisses.

Les SIGNES du dehors des cuisses feront telz, selon que dit Polemon, comme ceux que nous dirons tout maintenant de la superieure partie des cuisses, laquelle les Grecs nomment la iambe, de laquelle la premiere partie est la superieure : mais la derniere va iusques aux piedz. A ceste cause nous recommencerons les choses lesquelles Aristote ha declairé autrement. Le gras & le mol de la iambe donq, est celle partie qui est depuis le genoil en bas. Et sila derniere partie dicelle, qui est dessouz le iarret,est replette,es grasse, comme si elle estoit enslee, cest signe dun homme ord & sale, qui nest point maistre de soymesmes, ny de ses appetis & affections: nayant aucune vergongne, & estant de seruile complexion. Quand les parties des iambes, qui sont dessouz le iarret sont de moderee grosseur, & de grandeur egale, massines & separces, que les Crecs appellent bien ordonnees & reiglees, cest signe de bonne chose. Si lesdites parties sont molles, delicates & debiles, cela doit estre attribué au sexe femenin. Des

Des Genoilz.

VAND les genoilz sont tournez lun contre lautre, & cheent, cela se rapporte à lespece femenine.

De la Iambe depuis le genoil iufques en bas.

Les Chevilles des piedz, sont les parties basses de la iambe les plus prochaines des piedz. Quand donq les cheuilles, les talons, & la plante des piedz sont larges oultre mesure, & remplies de chair, cest signe dun homme fol, & insensé. Polemon raconte auoir diligemment & songneusement prins garde en cela. Et ce aduient tant plus, si les artoilz des piedz sont petis, et les iambes grandes oultre mesure. Si les cheuilles sont massines, & ont vn certain cerne ou circuit limité, honneste & beau à

g 4 regard

regarder, cela demonstre lhomme estre fertile. Et si les dites cheuilles sont deliees et petites, cest signe dun craintif, et excessif, qui nest point maistre de ses appetis & affections. Des Piedz.

CI LES piedz sont bien separez & di-Oftinguez de nerfz ,et dartoilz ,cela denote vn esprit & entendement excellent, de noble race & viril. Si les piedz sont molz & delicats, & enuelopez de chair, ilz signifient lengin & entendement delicat & effeminé. Les piedz gros & courts demonstrent les conditions de lhomme estre fort cruelles. Les piedz trop longs, declairent & denoncent lhomme estre vigilant & songneux à finesses & tromperies : & machinant la mort & destruction de plusieurs. Les piedz fort minces, deliez & courts, signifient lhomme estre mauuais & maling. Les piedz courbes, ayans la plante fort creuse creuse & retiree, sont meschans & à craindre. Si les piedz sont egalement plats & bien vnis, & nont aucun plis au mylieu, mais cheminans vont et marchent des iambes sans rien plier, & frottent leurs souliers lun contre lautre au dedens, cela demonstre vn engin & entendement sin, caut, variable & malicieux. Aristote dit ausi, que ceux qui ont les sourcilz pliez & tournez comme ceux des personnages anciens des Comiques, sont sins & cauts.

Des Cheueux.

diuersité des cheueux : & dit, que les crespus denotent vn craintif : les droits vn cruel : & aussi font le semblable ceux qui sont espais : les cler semez, vn trompeur : les molz, & deliez, vn fort effeminé : les noirs, vn fort craintif & auaricieux : les rouges,

vn peu blanchatres, denotent façons de viure auaricieuses. Aussi nous auons dit, que la mediocrité ou moyenneté de toutes ces contrarietez est tresbonne. Mais ceux qui sont grandement rouges, comme est la fleur dune pomme grenade, doinent estre repudiez & reiettez. Car ilz signifient lhomme estre auaricieux, cruel, & auquel on ne peult rien apprendre. Mais touchant ce que autres parties du corps, oultre la teste les sourcilz & les yeux, ont cheueux, il fault observer la reigle des cheueux, cy dessus declairee. Et fault specialement attribuer & accommoder aux parties leurs proprietez. Les cheueux longs, denotent lhomme estre cruel, & auquel on ne peult apprendre aucune chose. Les fesses, cestadire la basse partie de leschine, & les cuisses estans semblablement pleines de poilz, signifient lhomme cruel & qui ne peult rien apprendre.

· Sile ventre & la poitrine sont couverts tout alentour de poilz, cest signe dun homme leger & inconstant. Et si lesdites parties sont conuertes de poil, elles denotent lhomme estre Ç fin,muable & cauteleux, comme disent les Grecs. Dauantage, il est sans religion, & e sans exercer le deuoir quil doit à Dieu, ou est tenu faire enuers ses pere & mere, & d autres prochains. Sil y ha seulement sus t la poitrine des poilz, cela est signe que l lhomme est chaud, hardi & courageux. Quand les espaules, & la partie qui est droitement opposite à la poitrine, sont enui-N ronnees de poilz ilz denotent les complexions & façons de viure des oiseaux : ceste adire, quilz sont legers & inconstans. -Te tout le corps est rempli & couvert de poilz, cela demonstre lesprit & courage estre plus 3tost de la nature des bestes brutes que dhom-1me. Sile col est velu insques à la teste cest e.

signe de force & hardiesse, cela ressemble au Lyon. Et quand les cheueux vont & passent iusques au mylieu du front, & sont retenus des deux costez, cela est rapporté à la forme dun Cheual.

Des Mouuemens.

IL Y H A deux sortes de mouvemens, desquelz lun est naturel, lautre affecté. Aussi il y ha trois especes de mouvement affecté. Lune, quand lhomme se dispose & ordonne, comme voulant auoir autorité, honneur, & puissance: ou gaing: & estre marié: & selon ce quil pense estre aggreable aux plus estimez. Car certes il feint & senuest de la semblance de bonté & de toute superfluité & dissolution. Aussi il est droit descouvert, crasseux, lasche, paresseux, migreicordieux, industrieux & habile à faire quelque chose: la ou il cuide ensuivre poure-

té, rusticité, chicheté, humilité & misericorde. La seconde espece des mouuemens affe-Etez, sont ceux qui sestudient à beauté: & qui accoustrent leur visage & tout leur corps en telle sorte & forme, quilz puissent deceuoir les pucelles, & corrompre les mariages: & ausi sont enragez & adonnez aux enfans, ou se accoustrent en telle sorte & maniere, quilz puissent attirer les hommes, & les prouoquer & inciter à estre aymez diceux : ausi ilz ont vn mouuement de corps affecté & fait auec grand diligence. La tierce espece est de ceux qui ayment impudiquement les enfans : ce qui est chose certaine: neantmoins taschans de oster & abolir telle suspition & bruit d'eux, ilz sestudient de prendre & sattribuer lespece dhomme. Et de fait, ilz feingnent, de cheminer comme les ieunes gens : & se conferiga ment & rasseurent par certaine dureté:

aussi ilz accroissent & estendent leurs yeux & leur voix, & esleuent tout leur corps: mais ilz sont facilement congnus : car na- & ture se vainc, & se descouure. Aussi il est certain, quilz abbaissent souvente sois le col pas & la voix : & relaschent les piedz & les den mains,& sont aussi communement congnus par autres signes. Car crainte soudaine, & ioye de laquelle on ne se prenoit point de sh garde, les engarde & perturbe de menace- 🎟 ment & inconuenient,& außi les rappelle à 🕬 leur esprit & engin. Souuentefois außi ceux pre qui bailloient ont esté congnus & descouners. te Donques tous les signes lesquelz sont obser-est uez des mouuemens du corps, doiuent estre ven rapportez à ces quatre especes. Desquelles sag vne est vraye & naturelle : les autres trois ala sont par nous feintes & contrefaites.

De la Marchure & allure.

Ceux

CEVX qui font longs pas en allant, ont Ggrand cœur & courage : & sont forts & puissans, ou venans bien à chef de ce quilz entreprennent. Ceux qui font petis pas & restraints, ont peu de sens & entendement. Ceux qui font leurs pas tortus & contrefaits, sont bons ouuriers de cautelles, tromperies & finesses, & sont peu prisez & estimez. Quand quelcun marche vistement & legerement, ayant le corps droit, excellent & beau, cela denote quil entreprend plusieurs choses, & en paracheue de tresgrandes. Et si quand quelque chose est remuee legerement, il baisse & iette sa veue en bas, & se resserre, & tourne son visage, empestrant & retirant tout son corps, cela signifie quil est trop chiche, craintif, sin, caut, & nestant aucunement liberal. Mais situ apperçois vne vistesse de mouuement, Elegereté de marcher en vn homme, & quil

118

5

ę.

YX

z.

1/1

L

Ce.

quil aye les yeux troublez, inconstance & legereté de teste, & le souffle ou haleine espais, cest signe quil est auteur & cause de grandes desconfitures de guerre, & est trop oultrecuide & presomptueux. (eux qui font leurs pas courts & legerement, sont reputez malings mauuais, plus que craintifz & de petit courage & deffense. Si quelcun marche tardiuement, & ce de nature, cela demonstre quil ha lesprit & entendement lourd & paresseux, si quelques meilleurs signes ny contrarient. Mais si lon marche tardiuement contre le naturel, & à son esient, & quand on sarreste on regarde ça & là, en dressant le col, cela denote orqueil: & bien peult estre dit tel homme adultere & ribaud. Quand les piedz & les mains se meuuent dun accord & en vn instant, & quandles espaules sont portees moderement & paisiblement auec vne douce inc

ce inclination & pli du col, cela demonstre lhomme de grand cœur & courage,& fort. Le marcher & allure des Lyons est pareil. Mais celuy qui remue & esbranle les espaules, en estendant le col & le dressant, peult à bon droit estre declairé orguilleux & fier, qui ne peult durer auec personne. Certainement lallure des Cheuaux est semblable. Polemon estime ces choses estre assez suffisantes pour linstruction & commencement dune petite inquisition. Dont les similitudes subtilement & estroitement prinses & appareillees des choses lesquelles nous auons declairees, peuuent estre amenees & proposees ou deliberees sans aucune difficulté. Ceux qui en marchant remuent tout leur corps, il est euident & manifeste quilz sont effeminez. Entre ceux là, les gens qui quand ilz se remuent, penchent leur corps deuers le costé droit, doiuent estre endur endurez & Supportez. Mais ceux qui penchent leur corps du costé gauche, sont folz. Ceux qui se soubmettent & humilient, & estraingnent tout leur corps deshonnestement & vilainement, sont courtois & doux en parler, lesquelz par les Grecs sont dits & nommez flatteurs. Cecy se rapporte aux Chiens.

De l'Haleine, ou Souffle.

NAND lesprit est si fort en repos, quil ne donne aucun sentement, ou pour le moins bien peu, sen allant & retournant hastiuement, cest signe que lhomme est constitué & ordonné en pensees. Aussi les yeux denonceront & bailleront à congnoitre telles pensees. Quand lesprit aucune fois se repose, en puis apres longue espace de temps il est trop attiré, comme les (heureaux sont culbutez par terre, ou renuersez en temps chaud

chaud, cela demonstre que lhomme est asigne & ordonne en grand tristesse. Et si lon congnoit quil soit pensif, ayant ses yeux bien disposez, & exerçans leur office, cest chose plus certaine croire quil porte plus tost mauuaise esperance, quil nha penitence des choses meschantes par luy faites. Quand lesprit mugit, murle, ou burle comme fait vn bouf ou taureau, & est grandement emu & mishors, cest signe de cruauté & yurongnerie. Ceux qui ont lesprit & haleine tellement troublee, esmue & espesse, comme ont de coustume lauoir les hommes apres quilz ont couru, ilz sont imprudens, & se courroucent incontinent, & pour peu de chose: & ausi facilement & promptement ilz dient & font tout. Ceux qui attirent lhaleine par dessus, & la rameinent & retirent droit en hault: außi ceux qui ont lhaleine douce & longue, ilz sont craintifz, debiles, de petit courage & defense: car veu quilz sont effeminez, semblablement les autres signes sy accordent.

De la Voix.

601

en

en

CEVX qui ont la voix graue & fort basse, & la iettans hors, comme si elle sortoit dun vaisse au casé ou fendu, sont folz & gourmands. Ceux qui ont la voix malplaisante, ou nestant point agreable, neantmoins qu'elle soit ferme, & entiere, ou approchant de celle des brebis, sont folz. Ceux qui encommencent à ietter leur voix par fort bas ton & graue, & finissent en voix aigue & trenchant lair,sont prompts à pleurer, & ont lesprit plein de dueil & tristesse. Ceux qui abbaissent leur voix trenchante auec seicheresse ou effort, sont fins & cauteleux. (eux qui ont la voix trenchante, effeminee & delicate, Sont

sont effeminez. Ceux qui mettent hors leur voix graue, & de bas con, laquelle ilz ne peuuent tourner ny changer, & est comme sortant dun lieu creux, ont bon esprit 📀 entendement: & sont fort vaillans, ayans grand cœur & courage. Ceux qui ont leur voix tardiue & de bas son, ou graue, sont paisibles, doux en paroles, & recreatifz & diseurs de sornettes : aussi leur façon & maniere de viure est honneste & louable. Ceux qui estendent leur voix à la façon des oiseaux, sont prompts & enclins à paillardise, estans legers & de nulle estime. Ceux qui ont la voix casse, rompue, deliee, & de dueil, sont tristes, auaricieux & souspeçonneux. Ceux ausquelz la voix va & court dedens les nez, tellement que leurs narines en resonnent, sont menteurs, maluueillans, enuieux, & se resionissent des maux dautruy. Ceux qui ont leur voix fort estendue & long

nt

nt

& longue ou trainnante quand ilz parlent, estant vehemente & fort penetrante, auec laquelle y ha vn son comme casé entremesle, sont yurongnes, iniustes, & engendrent hayne & rancune entre tous. La voix tardiue & lente, declaire lhomme estre paresseux, nayant nul esprit ny aduis, fai-Sant tout sans consideration & aduis, & nayant aucune vergongne ny honte. Telle voix doit estre ausi accomparee à la similitude de la voix des bestes, comme sont les autres choses. Car les hommes ont la voix ressemblant celle des Chiens, des Singes & des Oiseaux: ausi lun hala voix approchant & presque ressemblant celle dun (heual, lautre la iette hors comme celle dun Porc. Tu prendras dong et recueilleras lintel ligence des similitudes. Quant à ce que nous auons cy deuant dit, que es contrarietez il y ha vn moyen ou mylieu, lequel nous auons declai declairé estre souventefois le meilleur & tresbon: nous disons aussi cecy, du mouvement du corps, & de la voix, que superfluité & trop grande abondance, doivent estre tenues & reputees pour mauvaises: mais mediocrité & attrempement est tresbonne chose.

De la Couleur du corps.

Les especes des couleurs qui sont es corps, font attribuees & assignees aux nations. Il fault donq congnoitre lesprit & engin des gens par la semblance & forme des couleurs. La couleur noire denote lhomme estre de petit courage & defense, craintif, variable & cauteleux. (ecy se rapporte à ceux qui habitent du costé de xydi: comme sont les Ethiopiens, Egyptiens, & leurs voisins. La couleur blanche estant quelque peu rouge, demonstre lhomme fort

& courageux. Cela se rapporte à ceux qui demeurent vers Septentrion. La couleur fort blanche, signifie foiblesse & debilité. Quand la couleur est rouge euidemment par tout le corps, cest signe dun homme qui sestudie à finesses, cautelles & tromperies. La couleur qui est defiguree & effacee par couleur paste & blesme, demonstre thomme estre debile & de petit courage, craintif, reculant & ne voulant venir au poinct: pour veu que ladite couleur blesme ne procede par cause de maladie. Quand parmi la couleur passe y ha vne couleur brune, laquelle les Grecs appellent iaunatre, cela declaire lhomme estre gourmand, abondant en paroles, & ne pouuant refrener ny moderer sa langue ny son courroux. Celle couleur donques monstre lhomme estre hors du sens. La couleur qui est coyement & moderement rouge, denonce lesprit & entendement

ment de lhomme estre soudain, viste & leger: & qui escoute voulentiers, & se laisse enseigner. Quand seulement la poitrine est connerte de rougeur, cest signe que lesprit est enflambé de despit. Quand les veines du col & des temples apparoissent hors, & les yeux sont sanguins, cela demonstre lesprit de lhomme estre vehement; se courrouçant incontinent & pour peu de chose: aucunefois ausi il est hors du sens. Quand la face est rouge, cest signe dun homme qui est honteux ou yurongne. Certainement tu distingueras & diniferas ceste rougeur par les indices & encusemes des yeux. Car si les yeux sont rouges, ayans quelque humidité, cest signe dun personnage qui sabandonne au vin. Et silz sont secs & rouges, ilz denotent vn qui se courrouce incontinent & pour peu de chose: & silz sont attrempez & moderez, cela demonstre lhomme estre honteux.

h 5 MAINT

MAINTENANT nous convient redire & recommencer (comme cy deuant auons deliberé & proposé) les choses lesquelles Loxus ou Aristote ont mis, ou bien les ont interpreté autrement, combien toutefois que es lieux propres nous en auons adiousté aucunes, lesquelles Polemon ha dites plus amplement, & sont conformes & confentans aux autres Auteurs, & les auons. presque ensuiuies. Loxus establit & ordonne trois couleurs des yeux tresbonnes, desquelz la premiere espece sont les iaunatres, lesquelz il estime entre les noirs & ceux qui sont verds. La seconde espece par luy mise sont qui sont azurez, lesquelz sont plus approchans aux verds, & sont plus blanes. Pour la tierce espece il met ceux qui sont plus approchans le noir. Il dit aussi que les yeux gras, denotent lhomme estre doux & paisible: laquelle chose est vraye: or sont prompts prompts & enclins à paillardise & à plourer. Il dit außi, que les yeux secs demonstrent thomme estre sans honte ny vergongne. Dauantage il dit que les yeux verds, sont signe de foiblesse & debilité, & ausi destre eshonte. Il dit außi, que toutes & quanrefois les prunelles des yeux sortent hors, & sont tournees deuers les oreilles, cest signe dun cœur ioyeux co recreatif: co ausi de sens & entendement paisible & craintif. Et certes, les prunelles des yeux estans tournees deuers les oreilles, demonstrent en toutes choses vne superfluité. Iceluy mesmes dit, Quand la plus grande partie de la prunelle des yeux est connerte de la paupiere dembas, cela denote lhomme estre de petit cœur & delicat, de peu destime, misericordieux, & de peu de sens. Ausi il propose & dit, que la prunelle de lœil doit comprendre & tenir la moitié de læil. Il dit dauan-

tage, Quand la paupiere denhault est petite, cela demonstre lesprit & entendement de lhomme estre naturellement tardif. Et se ladite paupiere est longuette, & abbaisse en tirant en bas, cest signe dun homme foible & debile, & qui nest point de tenue. Iceluy mesmes dit, que si la coupure ou tournure des paupieres est ronde, cela baille à congnoitre, lhomme estre plus courageux que sage. Si ladite coupure est longue & estroite, elle demonstre un courage iniuste: & si elle est large, cest signe dun desreigle vouloir, & desmesure. Il dit ausi, Quand les coings & anglets des yeux sont couppez en pointe, cela denote lhomme nauoir point le courage entier ny feal : si la chair desdits anglets nest toute pleine de sang. Iceluy mesme dit, que tous ceux qui naissent auec petis yeux, viennent à sortir hors du sens. Il dit ausi, que les grosses paupieres ne sont conuen

conuenantes ny propices pour la santé: aussi elles ne demonstrent point quon soit subiet à vomir. Iceluy mesmes dit, que les paupieres minces & deliees, sont tresbonnes pour la santé & demonstrent le cœur & courage estre prochain à Dieu.

Des Oreilles.

Si LES poilz qui viennent dens les Soreilles sont en grand nombre, espais, & longs, cela donne apparence du cœur trop chaud & desireux de paillarder. Quand il y ha donq des poilz aux oreilles, cest signe de force & vertu des sens & du courage: neantmoins telles gens souventes ois deuiennent sourds. Iceluy mesme Polemon dit, si les poilz qui croissent es narines sont espais, gros & en abondance, cela demonstre le courage ferme, constant, & rigoureux. Et si lesdits poilz sont clair semez, molz & deli-

cats, cest signe dun courage ou affection gracieuse, & traitable, & qui apprend aisément.

Des Begues.

ICELVY mesme Polemon dit, que tous ceux qui chancellent en parlant, & ont la langue fourchee, sont orguilleux, & glorieux, lesquelz les Grecs nomment begues, & sont aussi fort roides de corps.

Du Front.

A RISTOTE dit, que ceux qui ont le front estroit & enfoncé en la teste, & le nez en hault quasi camus & plat, sont liberaux: & ce ressemble au Lyon.

Du corps diuers ou different.

L e MESME Aristote dit, que ceux qui meinent leurs sourcilz en bas, & estend

estendent les prunelles des yeux en hault, ont toute la face abbaissee, sont flatteurs. Laquelle chose est estre courtois, doux & plaisant en honnesteté. cecy saccompare aux Chiens. Ce mesme Aristote dit, que ceux qui ont tout le visage paisible, & contenance posee & attrempee, sont pareillement plaisans, & doux en paroles. & dit que ceux & les flatteurs doinent estre accomparez aux Chiens. Dauantage il dit, que celuy qui ha la narine mince, deliee, & aigue,ne fait que se complaindre : par ce quil cuide auoir eu la moindre portion, comme disent les Grecs. Iceluy mesme dit, que ceux qui ont lorigine & yssue des narines mince & deliee, sont eshontez & impudens. & sont ressemblans lespece & nature des Corbeaux. Le mesme Aristote dit, que ceux qui ont les yeux assez prompts & appareillez, ou sortans hors nont point des-

prit ny daduis. cecy retire aux Asnes. Il dit ausi que ceux qui ont les yeux comme les chieures sont adonnez à paillardise. Et en ce ilz ressemblent au Bouc. Le mesme dit, que ceux qui ont les yeux fort ronds beaux & excellens, lesquelz par les Grecs sont dits reluisans de netteté, ne se peuuent saouler de paillarder, comme les Poulets, lesquelz les Grecs nomment Cogs. Celuy mesme dit, que ceux ausquelz les ioues deuiennent aucunement dures incontinent apres quilz ont passé leur premiere ieunesse, & nont aucuns poilz en icelles, mais bien ont tout le dernier du menton environne & occupé de barbe, sont hardis & courageux. Il dit ausi que ceux qui estendent & esleuet leur voix si fort quilz la font ressembler au cry des (hieures, sont forcenez & enragez à paillarder. cecy ressemble aux Chie-Ce mesme dit, que ceux qui ont le col si court, quil semble quil soit inculqué ou planté & fiché dens le corps, sont guetteurs, & ne taschent que à surprendre aucun & le deceuoir. Moquerie, est quand on se moque daucun à pleine gorge, & quon luy fait la moue, en respirant & soufstant des narines: & le premier hochement ou branlement de teste, & tournement ou ramenement de la bouche, tel quon ha de coustume de faire en riant, ou bien quand on est courroucé. Nous vsons de paroles feintes, desguisees, & ironiques: comme ce qui est escrit dens les Bucoliques de Virgile:

Mopse nouas incide faces, tibi du-

citur vxor:

Sparge marite nuces, tibi deserit

Hesperus Oetam.

Il fault considerer en quelle maniere, & par quelz gestes & mouuement de corps & contenances de la bouche celuy là dissit ces choses

choses ioyeuses par moquerie. Ceux qui ont le visage de ceste sorte, souuentefois, se moquent ioyeusement & sans courroux. Aristore dong dit, que la moquerie se prend la ou ne doit estre. Iceluy mesme dit, que toutes & quantefois quil y ha grosse charnure au front dessus les sourcilz, cest signe que les hommes sont sans repos, enragez, & comme il les nomme, insensez, frenetiques et folz. Il dit semblablement, que ceux qui sont de diuerses couleurs, & differentes, comme silz estoient arrosez de lentilles, lesquelz les Grecs appellent lentilleux, soient hommes ou femmes, ilz meinent vie orde, & font astes vilains & deshonnestes. Dauantage il dit, que ceux qui en cheminant branlent les bras ou les remuent desmesurement, & aussiceux qui se reposent & appuyent sus les talens, sont ignorans, lourdauts, rustants, desreiglez & excessifz. Iceluy mes-

me dit, que ceux qui ont le membre viril petit & court: ou bien ceux qui lont droit, sans auoir enuie de paillarder : & aust ceux qui ont le visage & tout le reste du corps approchant & retirant aux femmes, sont adonnez aux femmes. Il dit außi, que ceux qui ont le visage & le corps viril, & ont lun des yeux verds, sont adonnez aux filz impudiquement. Il dit des femmes en telle maniere. Les femmes lesquelles ont la face & apparence de femmes, sassemblent & conioingnent auec les autres femmes. Mais les femmes qui ressemblent & retirent plus à la face des hommes, lesquelles sont appellees homasses, par ce qu'elles sont vertueuses & fortes, faisans actes dhommes font plus adonnees aux hommes. Ceux qui ont leurs parties honteuses grandes & douces à taster, sont sots & niaiz. Iceluy mesme dit, que ceux qui quand ilz chemin

cheminent mettent leurs talons en dedens, & tournent leurs piedz en dehors ayment impudiquement & contre nature. außi, que celuy qui est deshonneste enuers les autres : ou qui hale visage comme vne femme: & ha ce noir qui est dens læil vn peu gras: & læil gauche verd, est gracieux & traitable à ceux qui le veulent esprouuer & essayer ou solliciter. Celuy mesme Aristote ha dit, gite ceux qui ont les iambes depuis le genoil en bas courbees, que les Crecs appellent tortues, ont le sens & entendement lourd & tardif. Ceux qui ont la bouche tortue & courbee, se delectent communement à detracter & mesdire. Certainement les iaseurs & baueurs sont hommes oisifz, lesquelz sassemblent & viennent en vn lieu dit & ordonné: & sestudient & exercent à sots & messeants contes. Aristote dit, que ceux qui ont les oreilles grandes

des & tournees deuers le visage:& ausi les piedz courbez en façon dune faucille ou serpe: & ceux desquelz les narines resonnent quandilz parlent: & ceux qui ont les costez courbez & enfles: & ceux qui ont les hanches retirees en dedens, sont iaseurs, baueurs, & conteurs de sornettes. Iceluy mesme dit, que la couleur du plomb: ou celle qui est distinguee par taches rondes: laquelle il appelle violette: ou toute coubeur orde & sale: & la peau grosse & ridee:le ventre rond & sortanthors ou fort apparent: & ceux qui ont la chair fort dure: & ceux qui ont les iambes grosses & nerueuses: & ceux qui ont le visage & les narines grosses, sont tous sots & niaiz. Apres ce Aristote dit, que ceux qui ont les parties de leur corps, du costé gauche les plus grandes : & aussi ceux qui ont les sourcilz retirez deuers les yeux, sont ennuyeux. Icelus mesme

dit cecy des mesdisans, Quand celle part laquelle est dessus les genciues & au bord de la superieure leure est en euidence, & passe les autres : ausi quand le mylieu de celuy espace lequel est entre les narines & le bord de la leure denhault surpasse les autres, cest signe dun mesdisant. Celuy mesme dit, que ceux qui ont la leure de dessus fort haulte, la face penchante sur le deuant, velue, & ayant gros poil & piquant, & estant rougeatre : ou comme il dit, fauue, qui est la couleur dun Lyon, sont mesdisans. Certes cecy se prend pour amitié en autres choses, mesmes es bestes lesquelles sont les plus enclines à paillardise. Il dit encores, quand le gras & le mol de la iambe sont retirez vers les genoilz, ou aux iarretz, cela demonstre lhomme estre facile & soudain à paillarder. Iceluy mesme dit, que quand le dehors de la cuisse est enuironné ou couuert de trop

trop de chair, cest signe destre effeminé: mais si ladite cuisse est maigre & dos massifz, cest signe de force. Il dit encores, quand le dedens des cuisses qui touche lun contre lautre est fort velu, & sont lesdites cuisses courbes & tortues, cela denote lhomme estre enclin à paillardise. cecy ressemble aux Boucs. (eluy mesme Aristote dit, que ceux qui ont les fesses leiches & maigres, sont forts & vaillans. Mais ceux qui les ont fort charnues, sont lasches & effeminez. cecy se rapporte à honne steté & bienseance. Les fesse telles comme si elles estoient trenchees & coupees, sont signe de mauuaistie & maluueillance. cecy ressemble à Lours & au Singe. Celuy mesme dit, que ceux qui ont les bras courts depuis lespaule insques à la main : qui est lespace depuis lespaule au fez ou sommet de la teste, sont adonnez aux ieux des dez: & sont

ausi basteleurs & ioneurs de farses, sachans bien contrefaire les mines, manieres & gestes des gens. Iceluy mesme dit, que celuy qui ha les cuisses fort petites & la iambe depuis le genoil en bas longuette, est plein de meschancetez. Il dit ausi, que ceux qui ont tout le visage ridé & plein de plis, sont tristes & seueres, cestadire quilz ont le courage mauuais. Il dit le semblable des corps legers. Quand dong la chair est telle en vn petit corps,& la couleur est blanche, cest signe dun homme qui nha ne force ne vertu de faire aucune chose. Mais quand en vn corps grand y ha de la chair molle, que les Grecs nomment humide, ou bien si la couleur est froide cest signe dun homme qui nha force ne vertu de faire aucune chose. Certainement la couleur chaude est noire: & la couleur noiratre est ardente & rouge. La couleur froide est blanche. La coul

couleur moyenne entre noir & pasle,est celle que les Grecs appellent iaunatre. Außi ceux qui sont de chaude couleur, sont attribuez à la region de Mydi : & ceux qui sont de froide couleur, à celle de Septentrion, comme nous auons declairé cy deuant. Derechef, quand vn petit corps est enuelopé de chair molle delicate & humide, & ha prins & choisi vne des plus froides couleurs, cest signe dun homme lequel paracheue facilement ce quil encommence, & ha force & vertu de faire quelque chose. Mais quand un grand corps est enuelopé de chair séiche & maigre, & ha prins vne des couleurs chaudes, cest signe dun homme de grande execution, & ayant abondance & force de sens. Cela sont les choses lesquelles nous ha semblé bon de annoter & considerer dens les liures de Loxus & d'Aristote, & lesquelles ont esté autrement dites, ou non dites

par Polemon. Et certes ces trois Auteurs saccordent presque en toutes autres choses. Pource donq que nous auons raconte, declairé, & presque denombré les signes des membres, & leurs significations & vertus, comme le commencement des lettres, ainsi que cy deuant auons dit : il fault que nous conceuions maintenant & ordonnons ou proposions aucunes especes de plusieurs, tout ainsi que lon fait des syllabes de plusieurs lettres mises ensemble, à celle fin que estans instruits & formez de peu dexemples,tant d'Aristote que de Polemon, nous puissions de nous mesmes interpreter, declairer, & conioindre ou accorder les signes; & puisions ausi auoir la congnoissance des mains & puissances des hommes. combien que cy dessus nous en auons mis aucuns exemples.

De

De lhomme fort.

DROPOSONS ou eslisons vn homme Proposition of the corps droit: les flancs ou costez, les artoilz, & la plante des piedz & le creux des mains masif.Les os grans.Les cheueux tresdurs.Le ventre large & ample, vn peu creux : les espaules fortes, & separees lune de lautre. La poitrine, & la partie du doz qui est entre les espaules vis à vis dicelle poitrine massiues. La hanche dure:le gras & le mol des iambes ferme & dur : & les iambes depuis le genoil en bas charnues. Les piedz en bas bien diuisez. Les artoilz vn peu plus colorez que serrez. La prunelle de læil soudaine & humide. Les yeux nestans trop grans, ny trop ouverts & larges,ny trop fermez & clos. Les sourcilz nestans rien estendus. Le front ny trop plein, ny trop aspre & raboteux. La voix fors

fort aspre dure, & tresuehemente, sortant en trop grande abondance. Il ha lhaleine paisible. A vn tel homme lon doit attribuer vertu & force.

Du Craintif.

Lha les cheueux fort blancs: la bouche & tout le reste du visage trespetit. Le col long. La couleur noire ou passe, ou blanche: mais estant blanche aussi auec la passeur. Les yeux secs & troubles. Les paupieres soudaines & mobiles. Lhaleine paoureuse. Les iambes depuis le genoil insques en bas minces & deliees. Le bas de leschine, que les Grecs nomment le rable, long. La poitrine soible. Les mains tressongues: & la voix effeminee & fort bruyante. Lhomme craintif, sera congnu par lesdits signes.

De lhomme ingenieux & fubril.

L HOMME qui ha bon esprit & enten-dement, doit estre ainsi. Ne fort long ny court. La couleur blanche, dens laquelle y ayt vn peu de rouge meslé. Les cheueux faunes (qui est telle couleur que est vn Lyon) non point fort crespez, ny trop estendus. Le corps droit. Les membres grans. Les artoilz separez ou divisez. Estans moderement charnus, & icelle chair estant vn peu molle. Ayant les iambes & les cuisses vn peu replettes. Les iarretz forts & robustes.Les artoilz des piedz & des mains forts. Les doigts simples & descouuerts, moderement longs, et separez lun de lautre: nestans fort charnus, ny trop minces & deliez. Les yeux humides, reluisans, & iaunes.

18

Dun Lourdaut & hebeté.

TELVY qui est sans esprit ny entendement, doit estre ainsi. Trop blanc, ou trop noir. La chair fort reluisante. Le ventre sortant hors oultre mesure. Les iambes depuis le genoil en bas grosses. Les artoilz petis, liez & serrez. Le gosier & gorge trop serrez & estroits. Il doit auoir le bas des piedz & des mains imparfaits. Les ioues & les temples fort charnues. Le front rond. La prunelle de ses yeux debile, sans vertuny pouvoir, mais tousiours ouverte & estendue.

Dun Effronté.

L HOMME effronté ou impudent, qui Lnha nulle vergongne doit estre tellement formé. Les yeux ouverts & luisans, Les paupieres fort separees. Les piedz & les

mains

mains grosses. Il se dresse fort hault, & sesleue contre ceux qui le regardent: il ha la couleur rouge, & la voix clere & hauteine. Un tel homme est effronté & iniuste.

Dun homme moderé & attrempé.

Establissons of proposons vn homme attrempé of moderé. Il ha la voix fort basse. il chemine bellement. Le mouuement de ses paupieres est moderé, nestant soudainement fait, ny par longs interualles, ayant les yeux doux of plaisans lesquelz ne sont point tant reluisans of clers, comme ilz demonstret dhumidité de la face, laquelle ha vn peu de rougeur entremessee.

De lhomme asseuré & sans soucy.

L'HOMME asseuré & nonchaillant est congnu en telle sorte. Sil ha le front

couls

counert de chair grosse, non de peau mince es delice. Es quil ayt ledit front petit es doux : aussi que tout son visage soit plus refait es en bon poinct, que maigre, es quil ayt le visage de sorte, quil semble venir de dormir, ou bien quil y vueille aller, ayant les yeux humides, fort clers, es luisans: es regardans sans peine. Et aussi il se remue tout bellement, es ha la voix douce.

Du Triste.

HOMME triste est congnu en ceste La maniere. Il ha le visage mince & petit. Le front plein de rides. Les sourcilz tournez en dedens: & la peau qui couure les yeux dessouz et dessus en les clignant fort grande.

Dun Hermaphrodite.

CELVY qui est homme & femme, lequel les Grecs appellent androgyne, est ainsi

ainsi figuré. Il ha les yeux humides, lesquelz ont le regard effronté & impudique, Les prunelles de ses yeux ne font que branler & courir ça & là : son front & ses ioues se retirent : ses sourcilz sont apparens : son col fort & robuste. La derniere ou basse partie de leschine, qui est le rable, nest point en repos: tous ses os, chair, nerfz & veines sont en vn estat incertain: il saulte souuent sus la plante des piedz : & le plus souuent se relieue sus les talons:il serre les genoilz & les trousse: & le plus souvent remue ses mains renuersees. Il se considere & regarde: il ha la voix petite, & comme resonante au gosier: o quasi ne cesse de gringoter, neantmoins elle ne laisse point destre agreable & plaisante. Et ne se fault chaloir si la voix est trop tardine, on trop soudaine.

Dun

Dun Fascheux & noiseux.

I HOMME qui est fascheux, dur & plaidereau, sera congnu par ces signes. Il fault quil souzrie par moquerie. Il aura la couleur presque passe, par ce que la colere ha coustume de faire la couleur de la face telle. Et aussi les paupieres des yeux seront de la façon dun œuf: & regardera auec les yeux secs: il aura le front plein de rides: la face comme vn yurongne: lhaleine forte. Et frottera souvent ses mains lune contre lautre, ou les comoindra & entrelassera ensemble. Aussi il frappera souvent la terre auec les piedz.

Dun homme doux & priué.

HOMME estant doux & privé est de ceste forme. Tout son visage est resiouissant & delectable: sa chair est molle & humide, mide, & vn peu abondante: il hales membres moderez, & bien proportionnez. Les yeux paisibles & tardifz: tout le mouuement de son corps lent & pesant. La voix grosse & basse. La dernière ligne des cheueux de sa teste est droite, & esseuce.

Dun Dissimulateur.

Lou simulateurs aucuns hommes lesquelz ont quelque peu leur esprit caché en incongnu: aussi leur cœur est feint en contrefait. Et certes ilz mesprisent en abolissent en eux ce quilz estiment aux autres insques à ce quilz ayent obtenuce quilz auoient deliberé dimpetrer. Le Simulateur dong est celuy qui ha la peau autour des yeux fort relaschee. Ses yeux sont instruits en accoustumez à une espece de bonté: il ha la voix basse, facile, inconstante en muable. Sa pa-

role & son marcher sont si moderez, quilz ressemblent estre presque regis par nombre & cadence.

Des Couvoiteux.

Cainsi sigurez. Leurs membres sont petis. Leurs yeux petis. Leur visage petit. Ilz cheminent vistement: ilz font tort & dommage: & sont si meschans, que leur vie, & leurs faits sont arrousez de meschancetez, comme de rougeur.

Des mauuais Folz.

IL Y HA aucuns hommes lesquelz nuiJent & font mal en folattant: iceux sont
appellez des Grecs, mauuais folz & nuisibles. Ilz ne sont point congnus par vne seule
observation des signes. Car aucune fois ilz
ont divers signes: lesquelz estans diligemment

ment cherchez, & considerez, donneront en vn seul homme intelligence dune chacune chose. Certainement il y ha en aucuns hommes des signes de folie: mais ilz sont aspres, rudes & cruelz. Or à fin que lon congnoisse mieux cecy, & quon en soit plus certain, prenons garde aux bestes lesquelles ont vn genre & vn nom: mais leur esprit & entendement, & qualité du corps sont differents & separez. Car tout ainsi que la Brebis est douce, ainsi le sont les autres bestes: comme l'Asne; la Chieure & le Cheual, & la Truye & plusieurs autres. Et pour autant qu'elles sont princes, dautant plus sont elles molles, douces, & paisibles. Mais celles qui sont hardies courageuses & seiches ou maigres sont plus aspres & cruelles enuers les hommes. Donques la folie est aucunefois treshardie, tresaspre, & espouuentable: & autrefois est facile & douce.

k 3 Il no

Il ne fault point que nous cuidions que la folie seulement, ou bien les signes dicelle ayent ceste difference : car il y ha des autres vices lesquelz sont apperceuz aux mounemens de lesprit, & aucunefois sont cachez par la dureté des signes, ou par la mollesse, lesquelz ou par vne simplicité qui nest point faite de trop grande affection ou curiosité: ou par vne simplesse cherchee, & auec grand peine, sont vrayement congnus & diuisez. Et certes, si lon met en auant deux hommes iniustes, lun diceux est vn peu & doucement iniuste, mais lautre est plus cruellement & plus violemment iniuste: ausi il y ha certaine excessiueté & intemperance douce, lautre tresuehemente. Et entre ceux qui sont doux & paisibles, les vns sont attrempez, & les autres sont difficiles & desmesurez.

Dun

Dun Forcené & paillard.

HOMME ayant le corps velu, les che-Lueux noirs & droits: la bouche le menton, & les temples de la teste fort velues de poilz durs & piquans. Les yeux gras & fort reluisans, sera dit forcené, enclin à paillardise, & aymera les ioueurs de farses & bastèleurs: aussi il sera mesdisant.

Fin du liure de la diuerse nature des hommes, & le moyen de la congnoitre, selon lopinion des Philosophes anciens.

k 4




TABLE DES PRINcipales matieres contenues en ce present liure.



De la nature des Cheueux.	32
De la peau de la teste.	35
Des signes & indices de la teste.	36
Des signes du Front.	38
Des signes des Sourcilz.	40
De la peau qui couure les yeux.	41
Des signes des Yeux.	41
Des Yeux fichez & ne se bougeans.	44
Des Yeux mobiles, & se mouuans	viste-
ment.	47
Des Eshontez, & nayans aucune ho	nte
ny vergongne de rien.	54
De lhonne steté des mœurs & conditio	ns. 55
Des Courageux & Hardis.	56
Des Doux & Prinez.	57
k s	Des

A STATE OF THE PARTY OF THE PAR	
Des Misericordieux & Pitoyables.	57
De ceux qui sont adonnez aux coust	
& façons de viure.	58
Des Paillards.	58
Des Babillards, Caqueteurs &	Cau-
Seurs. Seurs Seurs Constitution of the contraction	V com
De la bonne memoire.	60
Des Danseurs, & aymans les ieune	es en-
fans impudiquement.	60
Que les hommes ressemblent les bestes.	64
Du Cheual	64
De l'Asne.	65
Du Bouf. The land of the second	66
Du Cerf. man har will be will you will	66
Du Lyon.	67
Du Chien.	68
Du Singe.	69
Du Iars ou Oye.	69
Du Loup.	70
De la Tortue.	71
The state of the s	De

CANCES OF STATES OF STATES

To the last	The second secon	
	De la Coleuure.	72
4	De la Chouette, Hibou, ou Chathuant.	73
	Du Paon.	74
-	Du Coq.	75
	De la peau qui couure læil.	79
	Des loues.	79
	Dut lilage	80
3	Des Narines.	80
- 1	Du Menton.	82
- 3	Du (ol.	83
Manager can publish on	Du Gosier.	89
-	De la Gorge ou Gauion.	89
	Des Espaules.	90
	Des Kains.	91
	Des Couldes.	92
	Des Doigts.	92
	Des Ongles.	93
	De la Poitrine.	.95
	Des Mammelles.	96
	De la partie du doz estant entre les es	fau-
		les

9

1

	A. IX D L. Do	
	les droit à lopposite de la poitrine.	96
	Du Ventre. A A Marie MA State A	98
1	Des Costez.	98
1	Du Doz.	99
	Des Flancs.	99
	De l'Eschine.	100
	Des Šanches.	100
	Des Cuisses.	101
	Des Genoilz.	103
	De la lambe depuis le genoil iusqu	
- 1	bas.	103
1	Des Piedz. Anima (mary)	104
1	Des Cheueux.	105
	Des Mouuemens.	108
	De la Marchure & allure.	110
	De l'Haleine, ou Souffle.	114
	De la Voix.	
	De la Couleur du corps.	119
	Des Oreilles.	125
	Des Begues, and the Book have a	126
		Du

		-
Du Front.	126	
Du corps diuers ou different.	126	
De lhomme fort.	129	-
Du Craintif.	140	- Company
De lhomme ingenieux & subtil.	141	-
Dun Lourdaut & hebeté.	142	spine series amp
Dun Effronté.	142	
Dun homme moderé & Attrempé.	143	Statement of the Annual of
De lhomme asseuré & sans soucy.	143	THE PERSON OF THE PERSON OF
Du Triste.	144	Annual Print
Dun hermaphrodite.	144	-
Dun Fascheux & Noiseux.	146	-
Dun homme doux & priué.	146	
Dun Disimulateur.	147	
Des Couvoiteux.	148	
Des mauuais Folz.	148	
Dun Forcené & Paillard.	151	-

FIN DE LA TABLE.

Ce present œuure sut acheué dimprimer le premier iour de Mars, mille cinq cens cinquante.

